

EAST ASIAN LIBRARY
RM B049 ROBARTS LIBRARY
UNIVERSITY OF TORONTO
TORONTO, CANADA M5S 1A5

石



DS

734

.7

C523

v. 2



石

三史約編

吳興

鄭元慶芷畦

述

徐秋萼蘭仲

楊

寅秉人

烏程

沈一揆存田

戴

鎡汝器

編次

歸安

沈愷曾樂存

較閱

男惟鞠恃何

史記全目

正史諸史多記本朝人物惟史記半載古人故獨加小註其有不註者漢人也

本紀十二

五帝

夏

殷

周

秦

秦始皇

項羽

漢高祖

呂后

文帝

景帝

武帝

表十

三代世表

起黃帝迄周之共和共三十世

十二諸侯年表

魯齊魏秦楚宋衛蔡曹鄭燕陳不數吳者尊中國又霸在後故也起

周宣王元年盡周敬王四十

十三年共四百四十四年

六國年表

魏韓趙楚燕齊起周元王元年盡秦二世三年共百五十一年

秦楚之際月表

秦楚項趙齊漢燕魏韓參錯變易不可以年紀故以月紀起秦二世元年七月盡漢五年十月

漢興以來諸侯年表

高祖功臣侯年表

景惠間侯年表

建元以來侯年表

建元以來王子侯年表

漢興以來將相名臣年表

書八

禮

樂

律

曆

天官

此書兼言祭祀而以封禪名者從其大也

河渠

平準

大司農屬官有平準令專司會計

世家三十

吳

齊

魯

燕

管

叔鮮蔡慶曹

陳杞

衛

宋

晉

楚

越

鄭

趙

魏

韓

田敬仲完

孔子

陳涉

外戚

楚元王

交高祖
母弟

荆

王燕

王澤諸
劉疎屬

齊悼惠王

肥高祖
長庶男

蕭相國

何

曹參

陳丞相

平

留侯

張良

史

絳侯 周勃

梁孝王 武文

五宗 景帝子凡十三而母五人同母者為之宗

三王 齊王閔燕王旦廣陵王胥皆武帝子

列傳七十

伯夷 名元字叔齊名攸字公達殷公信孤竹君二子

管仲 仲事齊桓公晏嬰事齊靈公

老子 李耳楚人與孔子同時 莊子 周蒙人與梁惠王齊宣王同時 申 不害鄭之賊臣

韓非 韓之諸公子與李斯俱事荀卿

司馬穰苴 田完之裔齊景公時為大司馬

孫子

武齊人爲吳闔廬將

吳起

高人事魏文侯武侯爲西河守後爲楚相

伍子胥

員楚人吳王夫差

仲尼弟子

顏回字子淵曾參字子與今按祀典與孔伋孟軻配享孔廟曰復聖顏子宗

聖曾子述聖子思子亞聖孟子闕損字子騫冉耕字伯牛冉雍字仲弓

宰予字子我端木賜字子貢冉

求字子有仲由字子路言偃字子

游卜商字子夏顓孫師字子張皆

從祀孔廟澹臺滅明字子羽宓不

齊字子賤原憲字子思公冶長字

子長南宮适字子容高柴字子羔

漆雕開字子若樊須字子遲司

馬耕字子牛公西赤字子華有若

字子若琴張一名牢字子開申枨

字子續陳亢字子禽巫馬施字子

期 梁鱸字叔魚 公哲哀字季次

商瞿字子木 冉孺字子魚 顏辛字

子柳 伯虔字子楷 曹卹字子循

冉季字子產 公孫龍字子石 漆雕

哆字子斂 秦商字子丕 漆雕徒父

字子文 顏高字子驕 商澤字子秀

穰駟赤字子徒 任不齊字子選

石作蜀字子明 公良孺字子正 公

夏首字子乘 公肩定字子中 后處

字里之 鄒單字子家 奚容箴字子

哲 罕父黑字子素 顏祖字子襄

榮旂字子祺 泰祖字子南 左人郢

字子行 句井疆字子孟 鄭國字子

徒 公祖句茲字子之 原亢字子抗

縣成字子橫 廉潔字子庸 燕伋

字子思 叔仲會字子期 顏之僕字

子叔 郄弼字子斂 樂欬字子聲

公西輿如字子上 狄黑字哲之 孔

忠字子幾 公西微字子尚 步叔

字子車 施之常字子恒 秦非字子

之 顏潛字子聲 皆從祀雨廡 顏無

繇字路 司父 曾點字皙 參父與孔子

子鯀 孟子父激公

宜配享啓聖公

商君

鞅衛之庶公子 相秦封商君

蘇秦

見前編

張儀

見前編 陳軫公孫衍附

樗里子

疾秦惠王弟

甘茂

相秦武王孫羅年十 二爲始皇上卿

穰侯

魏冉秦昭王母宣大 后翁相秦封穰侯

全目

白起秦昭王將封王翦秦始皇殺項燕

孟子荀卿趙人為齊襄王祭酒

孟嘗君田文齊宣王庶弟嗣父封薛公相湣王尊

文文李謚

平原君趙勝趙之諸公子相惠虞卿為趙上卿

魏公子無忌安釐王異

春申君黃歇楚人相考

范雎蔡澤俱秦昭

樂毅燕昭王將

廉頗藺相如

但事趙惠文王為上卿李牧趙奢附

田單

齊疎屬襄王時封安平君

魯仲連

齊人與平原君同時鄒陽

屈原

平楚同姓為楚懷王左徒上官大夫嫉之被遷自投汨羅江死賈生誼

呂不韋

相秦始皇稱仲父嫪毐事發徙于蜀飲酖而死

刺客

曹沫魯人劫齊桓公專諸吳人為公子光刺殺吳王僚豫讓晉人為智伯報仇刺趙

襄子

聶政

荆軻見前編

李斯

相秦始皇趙高附

蒙恬

秦將

張耳陳餘

魏豹彭越

黥布

淮陰侯韓信

韓王信盧綰陳豨

田儼

樊噲酈商滕嬰灌嬰

張丞相倉申屠嘉韋賢魏相邴吉黃霸韋元成匡衡附

酈生食其陸賈平原君朱建附

傅寬勒欵蒯成侯周繇

劉敬叔孫通

季布樂布

袁盎鼂錯

張釋之馮唐

萬石君石奮張叔歐衛綰直不疑周仁附

田叔

扁鵲秦越人

與趙簡子同時

倉公淳于意

漢太倉長

吳王濞

高祖兄仲子

魏其侯竇嬰武安侯田蚡

皆外戚灌夫附

韓長孺安國

李將軍廣

何奴

衛將軍青驃騎將軍霍去病

公孫賀李息公孫敖李沮張次公蘇建趙

信張騫趙食其曹襄韓說郭昌荀彘俱衛將軍下已為將軍路博德趙破奴驃騎下將軍

平津侯公孫弘王父偃

東越

閩越王無諸東海王搖

朝鮮

西南夸

司馬相如

淮南厲王長

高祖少子子安嗣封

衡山王賜

厲王子

循吏

孫叔敖楚莊王令尹儀休魯繆公相

子產鄭簡公相

公

文公之理

汲黯、鄭當時

儒林

申公培

轅固生

韓生嬰

伏生勝

高

酷吏

到都義縱

王溫舒

周陽由

趙禹

張湯

大宛

大月氏

大夏

烏桓

全日

八

石文會

游俠

魯朱家

楚田仲

王益

佞幸

籍孺

閔孺

鄧通

趙同

滑稽

淳于髡

齊威王時人

優孟

楚莊王時樂人

朔

東郭先生

王生

西門豹

以上五人

褚先生補入

日者

司馬季主

龜策

貨殖

自序

前漢書全目

正史

帝紀十二

高祖

惠帝

高后

文帝

景帝

武帝

昭帝

宣帝

元帝

成帝

哀帝

平帝

表八

異姓諸侯王表

諸侯王表

王子侯表

高惠高后文功臣表

景武昭宣元成哀功臣表

外戚恩澤侯表

百官公卿表

古今人表

分聖人仁人智人愚人而以上中下九等別之識者謂其乖名亂體謬實甚焉

本志十

律曆

禮樂

刑法

食貨

郊祀

天文

五行

地理

溝洫

藝文

列傳七十

陳勝、項籍、

張耳、陳餘、

魏豹、田儵、韓王信、

韓信、彭越、英布、盧縮、吳芮、

荆燕二王

楚元王

孫辟疆、辟疆子德、
德子向、向子歆、

季布、樂布、田叔、

漢

高帝五王

齊悼惠王肥 趙隱王如意 趙幽王友 趙共王恢 燕靈王建

蕭何曹參

張良陳平王陵周勃

子亞夫

樊噲酈商夏侯嬰灌嬰傅寬靳歙周緤

張倉周昌趙堯任敖申屠嘉

酈食其陸賈朱建婁敬叔孫通

淮南王長

子衡山王賜 濟北王勃

蒯通伍被江充息夫躬

萬石君衛綰直不疑周仁張敖

文三王

梁孝王武 梁懷王揖

代孝王參

賈誼

袁盎鼂錯

張釋之馮唐汲黯鄭當時

賈山鄒陽枚乘

子路溫舒 臯

竇嬰田蚡灌夫韓安國

景帝十三王

臨江閔王榮 哀王閔

河間獻王德 魯共王餘

江都易王非 悼江

膠西王端

趙敬肅王彭祖

中山靖王勝

長沙定王發 廣川

惠王越

膠東康王寄

清

河哀王乘

常山憲王舜

李廣孫陵蘇建子武

衛青霍去病

董仲舒

司馬相如

公孫弘卜式兒寬

張湯子安世孫延壽

杜周子延年孫緩緩弟欽緩子業

張騫李廣利

司馬遷

武帝五子戾太子 齊懷王閔 燕刺王旦 廣陵厲王胥 昌邑哀王髆

嚴助朱買臣吾丘壽王王父偃徐樂嚴安終軍王

褒賈捐之

東方朔

公孫賀子敬

劉屈氂車千秋本姓田

王訢楊敞子憚蔡

義陳萬年子威鄭弘

楊王孫胡建朱雲梅福云敞

霍光金日磾子安

趙充國辛慶忌

傳介子常惠鄭吉甘延壽陳湯段會宗

雋不疑疏廣

兄子受

于定國薛廣德平當彭宣

王吉貢禹龔勝龔舍鮑宣

韋賢

子元成

魏相丙吉

駐弘夏侯始昌夏侯勝京房翼奉李尋

趙廣漢尹翁歸韓延壽張敞王尊王章

蓋饒寬諸葛豐劉輔鄭崇孫寶毋將隆何敞

蕭望之

子育威由

馮奉世子賜王

宣元六王淮陽憲王欽 楚孝王歸 東平思王 中山哀王竟 定陶共王康 中

山孝王興

匡衡張禹孔光馬宮

王商史丹傅喜

薛宣朱博

翟方進子宣義

谷永杜鄴

何武王嘉師丹

同延王嘉昭興

谷永封侯

驛衣封侯

千宜

賴宣米商

王商與丹爵尊

王衡與禹王世親宮

王興

山

宣示六王

宣

中山哀王

宣

宣

宣

宣

宣

宣

宣

宣

宣

我友

萬章 對

宣曲

福

貴

置卓 羅 家 丙 下 間

指

千貢 白圭 一 貴 田 豐 平

指

年 齊 田 豐 田 豐 平

樂 豐 田 豐 平

鳳

豐 田 豐 平 田 豐 平

壽

豐 田 豐 平 田 豐 平

壽

豐 田 豐 平 田 豐 平

楊雄

儒林

楊何 丁寬 施讐 孟喜 梁丘賀 京

房 費直 高相 歐陽生 休尊 夏侯

勝 周堪 張山拊 孔安國 王式 后

循吏

文翁 王成 黃霸 朱邑

酷吏

尹齊 田廣明 田延年

貨殖

子貢 白圭 猗頓 烏氏贏 巴寡婦 清

蜀卓氏 羅哀 宛孔氏 丙氏 刁間

游俠

萬章 樓護 宣曲任氏

佞幸

趙談 不顯 淳于長
董賢見史記者不錄

匈奴

西南夸兩粵朝鮮

西域 且未一小宛 精絕 戎盧 扞盧 渠勒
于闐 皮山 烏託 西夜 蒲犁 罽

賓 大月氏 康居 大宛 莎車 烏孫

龜茲 渠犂 車師 依耐 無雷 難

兜 烏弋山離 安息 桃提 捐毒 疏

勒 尉頭 姑墨 溫宿 尉犂 危須 單

焉耆 烏貪訾離 界陸 郁立 師 單

相 蒲類 西且彌 東且彌 劫 狐胡

山

外戚 高祖呂后 薄姬 孝惠張后 孝文竇后
孝景薄后 王后 孝武陳后 李夫人

全目

十四

石文會

漢

鈞文趙婕妤 德太子史良娣 史皇孫

王夫人 孝宣許后 霍后 孝元王后

孝成許后 班婕妤 趙后 定陶丁姬

孝哀傳后 孝元馮昭儀 中山衛姬 孝

平王

后

元后

元帝后王莽之姑

王莽

叙傳

後漢書全目

正史

帝紀十

光武帝

明帝

章帝

和帝 殤帝

安帝

順帝 冲帝 質帝

桓帝

靈帝

獻帝

皇后

光武郭后 光烈陰后 明德馬后 援小女

章德竇后 融曾孫 和帝陰后 識曾孫

和熹鄧后 禹孫 安思閭后 順烈梁后

孝崇匱后 桓帝 懿獻梁后 孝桓鄧后

桓思竇后 孝仁董后 孝靈宋后

獻穆曹后 操中女

志三十

律歷 三

禮儀 三

漢

祭祀

三

天文

三

五行

六

郡國

五

百官

五

輿服

二

列傳八十

劉元劉盆子

王昌、劉永、張步、李憲、彭寵、盧芳

隗囂、公孫述

宗室

齊武王、王、續子、北海靖王、興、趙孝、王、良、城、陽恭王、社、泗水王、欽、安城孝、侯、賜、成

武孝侯、順

順陽懷侯、嘉

李通王常鄧晨來歙曾孫

鄧禹子訓寇恂曾孫

馮異岑彭賈復

吳漢陳俊蓋延臧宮

耿弇弟國國子秉

鉞期王霸祭遵從弟

任光子李忠萬修邳彤劉植耿純

朱祐景丹王梁杜茂馬成劉隆傅俊堅鐔馬武

竇融弟子固曾孫

馬援

子廖防兄子嚴族孫稜

卓茂魯恭

弟魏霸劉寬

伏湛

子隆

侯霸宋弘蔡茂

郭賀

馬勤趙熹牟融韋彪

宣秉

張湛王丹王良杜林郭丹吳良承宮鄭均趙

典

兄子謙溫

桓譚

馮衍

子豹

申屠剛鮑永

子

鄧

暉

子壽

蘇竟楊厚

郎顗襄楷

郭伋杜詩孔奮張堪廉范王堂蘇章族孫牟續賈

琮陸康

樊宏子儵族陰識弟

朱浮馮魴虞延鄭弘周章

梁統子松疎曾孫

張純子奮曹褒鄭元

鄭興子衆范升陳元賈逵張霸子楷子

桓榮子郁孫焉曾孫丁鴻

張宗法雄滕撫馮緄度尙楊璇

漢

劉平

王望王扶

趙孝淳于恭江革劉般

子愷

周磐

蔡順

趙咨

班彪

子固

第五倫

曾孫鍾離意

宋均

族子意

寒朗

光武十王

東海恭王疆齊南安王康

沛獻王輔東平憲王蒼

王英

子在城孝

王尚早陵質王延

廣陵思王荆臨淮懷公衡

中山簡王焉

瑯琊孝

王京

朱暉

孫樂恢

何敞

鄧彪張禹徐防張敏胡廣

袁安

子敞元孫闕

張酺韓稜周榮

孫原

郭躬鎮陳寵子忠

班超少子梁愷何

楊終李法翟醮應奉子霍譚爰延徐璆

王充王符仲長統

明帝八王千乘哀王建陳敬王羨彭城靖王

赤樂城靖王黨下邳惠王衍梁

節王暢淮陽頃王嗣

濟陰悼王長

李恂陳禪龐參陳龜橋元

崔駰子瑗孫實

周燮黃憲徐穉姜肱申屠蟠

楊震

子秉孫賜曾孫彪元孫修

章帝七王

千乘貞王伉平春悼王全清河孝王慶濟北惠王壽河間孝王開

城陽懷王淑廣宗殤王萬歲平原

懷王勝和帝子

張皓

子綱子龔子種子偕拂子劬陳球

杜根樂巴劉陶李雲劉瑜尹謝弼

虞翊傅燮蓋勲臧洪

張衡

馬融蔡邕

左雄周舉子黃瓊孫

荀淑 子爽 孫悅 韓歆 鍾皓 陳實 子紀

李固 子 杜喬

吳祐 延薦 史弼 盧植 趙岐

皇甫規 張奐 段熲

陳蕃 王允

黨錮 劉淑 李膺 杜密 劉祐 魏朗 夏馥

巴肅 宗慈 范滂 尹勲 蔡衍 李膺 張儉 岑暉 陳翔 孔昱 范康

黨錮 郭太 左原 孟敏 庚乘 賈淑 史叔實

黃允 謝甄 王柔 符融 許劭

黨錮 實武 何進

黨錮

鄭太荀

孔融

黨錮

皇甫嵩朱雋

董卓

劉虞公孫瓚閹謙

袁紹劉表

劉焉袁術呂布

循吏

衛蠡

任延

王景

秦彭

王渙

許荆

孟嘗

第五訪

劉矩

劉寵

仇覽父

名香

童恢

酷吏

董宣黃昌

樊曄楊球

李章王吉

周紆

官者

鄭衆

蔡倫

孫程

曹騰

單超

儒林

劉昆

注丹

任安

楊政

張興

戴憑

尹敏

周防

孔傳

楊綸

宋登

張馴

魏應

伏恭

任末

景鸞

高詡

包咸

撫名

訓

楊仁

趙暉

衛宏

董鈞

丁恭

周澤

孫堪

鍾典

張元

李育

何休

甄宇

樓望

程曾

服虔

穎容

謝該

許慎

蔡元

程曾

服虔

文苑

杜篤

王隆

夏泰

傅毅

黃香

劉毅

李尤

蘇順

劉珍

葛龔

王逸

崔

琦

邊韶

張升

趙壹

劉梁

邊讓

鄭炎

侯瑒

高彪

張超

禰衡

索盧

獨行

譙元

李業

劉茂

溫序

彭修

索盧

陸績

戴封

李充

李善

王忱

張武

范丹

戴就

趙苞

繆彤

陳重

雷義

全

下

石

胡

王烈

方術

在文公

郭憲

許楊

高獲

王喬

謝

折像

樊英

唐檀

公沙穆

許曼

廖扶

趙彥

樊志張

單颺

韓說

董扶

郭

王華

徐登

費長房

薊子訓

劉

根左

慈

計子勲

上成公

解奴辜

甘始

王真

王和平

逸民

野王二老

向長

逢萌

周黨

王霸

嚴光

井丹

梁鴻

高鳳

臺冷

韓康

矯慎

戴良

法真

漢濱老父

陳留老父

龍公

烈女

鮑宣妻

王霸妻

姜詩妻

周都妻

曹

世叔妻

樂全子妻

陳文炬妻

孝女曹

娥許升妻

袁隗妻

龐涓妻

劉長卿

有見妻

會翁妻

盛道妻

孝女

叔光雄
董祀妻

東有

夫餘 挹婁 高句麗 句麗
東沃沮 濊北 三韓 倭

南蠻

巴郡南部 西南夷 夜郎 滇 哀牢 邛都
板楯

西羌

無弋爰劍 滇良 東號子麻奴立
湟中月氏胡

西域

拘彌 于闐 西夜 子合 德若 條支
安息 大秦 大月氏 高附 天竺

東離 栗弋 嚴 奄蔡 莎車
疏勒 焉耆 後支 車師前後

烏桓鮮卑

魚目混珠

東漢 晉書 魏志 車前草

東漢 粟子 魏志 車前草

西漢 安息 大秦 大月氏 高樹 天竺

西漢 安息 大秦 大月氏 高樹 天竺

西漢 安息 大秦 大月氏 高樹 天竺

南漢 西漢 大秦 大月氏 高樹 天竺

東漢 西漢 大秦 大月氏 高樹 天竺

東漢 西漢 大秦 大月氏 高樹 天竺

廿一史約編

吳興 鄭元慶 苴畦 述

潘美發 彥徽 臧夢錫 荆南

同學

潘發 英彥 昭 費孔昭 賓音 叅訂

史記

漢司馬遷字子長龍門人父談為太史官嘗謂遷曰漢興海內一統明主聖君忠臣義士予為太史而不論載廢天下之文予甚懼焉爾其念哉談卒三歲而遷為太史令續父談書創為義例起黃帝迄漢武獲麟之歲撰成十表本紀十二書八世家三十列傳七十凡一百三十篇草創未就會遭李陵之禍下遷腐刑既死後其書始出至宣帝時外孫楊惲祖述其意遂宣布焉漢褚少孫補之宋裴

駟解之

漢書

漢班固字孟堅扶風人博貫載籍九流百家之書無不窮究以父彪所續前史未詳乃潛精研思欲就其業有告固私作國史者固繫獄弟超詣闕上言固所著述意而郡亦上其書顯宗甚奇之除蘭臺令史使終成其書固自為郎後頗見親近乃上兩都賦及肅宗雅好文章固愈得幸然自以二世才術位不過郎作賓戲以自通焉永元初竇憲北擊匈奴以固為中護軍與參議及憲敗固以竇氏賓客收捕死獄中所著漢書尚未就詔固女弟曹壽妻昭踵而成之凡一百卷唐顏師古注

漢高祖

姓劉名邦字季沛人父太公兄仲帝起于泗上亭長入關滅秦為漢王及滅楚即皇帝位

惠帝

名盈高祖次子

呂后名雉高祖后少帝後少帝俱他人子

文帝

名恒高祖五子

景帝

名啓文帝長子

武帝名徹景

昭帝名弗陵武

昌邑王名賀武帝

宣帝名詢武帝曾

元帝名奭宣

成帝名驚元

哀帝名欣元帝庶孫

平帝名衍元帝庶孫

孺子嬰宜帝元孫

附王莽孝元后姪

淮陽王名元春

後漢書宋范曄字蔚宗順陽人少好學善為文章元嘉

初以吏部郎左遷宣城太守不得志乃刪衆家著後漢書為一家之作自謂體大而思精後為太子詹事與孔熙先謀反被收在獄為詩曰雖無嵇生琴庶同夏侯色臨刑曄毋至市責曄曄色不恠妹及妓妾來別曄涕泣甥謝綜曰舅殊不及夏侯

色曄乃收淚曄著後漢書凡一百二十卷唐太子李賢注

東漢

光武帝

名秀字文叔景帝孫長沙定王之後祖回為鉅鹿郡尉父欽為南頓令帝同兄續起

兵誅莽及滅赤眉即皇帝位

明帝

名莊光武四子

章帝

名旦明帝五子

和帝

名肇章帝四子

殤帝

名隆和帝少子

安帝

名祐章帝孫清河王慶子

北鄉侯

名懿章帝孫濟北惠王壽子

順帝

名保安帝太子

冲帝

名炳順帝太子

質帝

名續章帝元孫渤海孝王鴻子

桓帝

名志章帝曾孫蠡吾侯翼子

靈帝

名宏章帝元孫解都亭侯萇子

少帝

名辯靈帝太子

獻帝

名協靈帝太子

帝寬大長者
蕭何收圖籍

張良燒燒棧

道

借箸籌不可

者八

從赤松子遊

韓信木罌渡

軍

背水築壘

項伯拔劍起

舞

樊噲擁盾入

衛

范增撞碎玉

斗

項羽思歸故

鄉

漢高祖在位八年

漢高祖劉邦不階尺土五載成帝業所謂天授非人力
信然觀其自言決勝不如張良鎮撫不如蕭何戰攻不
如韓信真至當也楚漢爭鋒帝豈自料有天下哉帝有
天下蓋以能用三傑非若項羽不用范增當入關初約
法三章除秦苛政楚漢興亡其在斯乎迨彌留之際預
知繼相惟參安劉必勃慮事何深遠也惟分杯羹枕宦
臥寵戚姬輕士善罵蒞醢功臣使太公迎門呂后失德
皆不無遺議云

楚人沐猴而

冠

陳平六出奇

計

帝賜沐洗足

見班固

四面楚歌

斬丁公

婁敬說鄧長

安

偽遊雲夢

沙中偶語

叔孫通起朝

儀

周昌期期不

奉詔

大風歌

南山四皓

高祖

帝問韓信能將幾何信曰臣多多而益善耳帝笑曰何為為我禽信曰陛下不能將兵而善將將所以為陛下禽其陛下所謂天授非人力也○帝曰夫運籌策帷帳之中決勝千里外吾不如子房鎮國家撫百姓給餽餉不絕糧道吾不如蕭何連百萬之軍戰必勝政必取吾不如韓信此三人者皆人傑也吾能用之此吾所以取天下也○項羽有一范增而不能用人其所以為我禽也○三章殺人之者死傷人及盜抵罪餘悉除去秦法○帝疾呂后問曰陛下百歲後蕭何死誰代帝曰曹參可問其次曰王陵可然少韓陳平可以助之陳平智有餘然難獨任周勃厚重少文然安劉氏者必勃也○項羽欲烹太公帝曰吾翁即若翁若欲烹而翁則幸分我一杯羹○帝臥禁中羣臣莫敢入樊噲排闥直入大臣隨之帝獨枕一宦者臥噲等涕泣而諫○帝即位踰年未正太上之號但五日一朝太公太公擁彘迎門帝大驚太公曰帝人主奈何以我亂天下法帝悟詔尊為太上皇○功臣謂韓信彭越○呂后與審食其通

漢惠帝在位七年

蕭何為家不

治垣邑

後世賢師吾

念

周昌帶酒不

朝

以金獄

市為寄

清淨寧一

漢惠帝內脩親親外禮宰相並拱而天下晏然除挾書之律舉孝弟力田自迎趙王於霸上同起居飲食齊王入宮舉厄欲俱為壽呂后不得行醢真賢主也高祖始欲廢之何哉為呂后剛毅帝仁弱不足制也亡何而呂后果殺趙王如意斷戚姬手足有人璇之變帝觀之大哭因病歲餘不能起以此日飲為淫樂不聽政蓋不忍母之殘酷棄國家而不恤帝雖篤於小仁而實未知大義也

惠帝

布延折髮

增面謾

秋孫通請立

原廟

雨血
日食既

呂后最怨戚夫人及其子趙王如意。迺令永巷囚戚夫人而召趙王。王來未到，帝慈仁，知太后怒，自迎趙王霸上，與入宮，白扶與趙王起居飲食。太后欲殺之，不得間。會帝晨出射，趙王少不能早起，太后聞其獨居，使人持酖飲之。黎明，帝還，趙王已死。太后遂幽戚夫人手足，去眼，蟬耳，飲藥，使居廁中。命曰：『人彘。』居數日，召帝觀。帝見問，乃知戚夫人，遂大哭，使人請太后曰：『此非人所為。』臣為太后子，終不能治天下，以此日飲為淫樂，不聽政。故有『人彘』也。齊王來朝，帝與之燕飲。太后前，帝以齊王見，而上坐如家人禮。太后怒，乃置兩卮，酖置前，令齊王起為壽。齊王起，帝亦起，取卮欲俱為壽。太后乃恐，自起，帝亦起，取卮欲飲。佯醉去，問知其酖，王恐，自以為不得脫。長安憂，乃從內史計，以城陽之呂孫魯元公主湯沐邑太后喜，乃置酒齊宮，飲罷歸齊王。帝崩，太后哭泣不能下。侍中張辟疆請拜呂為將，從之。乃使呂台、呂產將南北軍，諸呂權由此起。

漢呂后僭位八年
少帝後少帝

王陵守白馬之盟
面折廷爭

朱虛侯入宿衛

行八銖錢

呂后雖佐高祖定天下。諸大臣素所畏服。亦能矣哉。然其失德何多也。滅劉氏王諸呂。私食其戮戚姬。無所不爲。少帝後。少帝之立。后得主之。亦后得生殺之。代政八年。日食晝晦。始惡之曰。此爲我也。雖有悔心之萌。安能免蒼犬之擗腋哉。獨惟王陵平勃輩。堂堂勳貴婦人。而不早爲之所。直使劉氏諸孤殆盡。然後將相交驩。鋤去非種。取神器于呂氏之手。復還劉氏。則大臣之畏服高后。從可知矣。

行五分錢

朱昌曰所言
公公言之

江漢水溢

星晝見

呂台呂產呂祿呂通等皆封爲王女弟嫺封爲臨江侯。○呂后過軹道見物如蒼犬來攖腋卜之云趙王如意爲祟遂病腋傷而殂。○時諸呂擅權用事朱虛侯劉章忿劉氏不得職嘗入侍燕飲太后令爲酒吏章自請曰臣將種也請得以軍法行酒太后許之酒酣章爲耕田歌曰深耕穡種立苗欲疏非其種者鋤而去之太后然頃之諸呂有一人醉亡酒章追斬之還報左右皆大驚業已許其軍法無以罪也自是諸呂憚朱虛侯。○陳平患諸呂力不能制恐禍及已嘗燕居深念陸賈謂平曰天下安注意相天下危注意將將相和調則士豫附士豫附則天下雖有變權不分爲社稷計在兩君掌握耳君何不交驩太尉平用其計兩人深相結呂氏謀益衰。○齊王襄發兵討諸呂相國呂產使大將軍灌嬰擊之嬰留屯滎陽與齊連兵時太尉不得主兵使鄒寄給呂祿以兵屬太尉太尉入軍門行令曰爲呂氏右袒爲劉氏左袒軍中皆左袒太尉遂將北軍悉捕諸呂斬之齊王灌嬰兵皆罷。

漢文帝 在位廿三年

漢太后夢龍驤腹而生帝

除收孥相坐律

陳平對錢穀之問

却千里馬

賈山至言

止輦受言

除誹謗妖言法

漢文帝赦田租詔養老除肉刑減笞背可不謂父母其民者乎露臺惜費百金後宮衣不曳地不敢輕靡天下之財遣將擊興居辭禮誘南越不敢輕用天下之兵吳王賜之几杖張武愧以金錢不敢輕拂天下之情弄臣戲殿上丞相檄召而不拒梁藩不下門廷尉劾奏而不嫌中郎撤夫人之坐席而不罪將軍過天子之乘輿而不怒其恭儉寬仁皆可為天下後世法第廟汾陰賜銅山詔短喪微有可議者

淮南王殺審

食其

造四銖錢

賈誼治安策

論積貯

尺布斗粟之

謹

晁錯智囊

請入粟拜爵

免罪

除秘祝

帝每飯未嘗

不在鉅鹿

黃龍見成紀

齊太倉令淳于意有罪當刑逮繫長安意無男有女五將行罵其女曰生女不生男緩急非有益也其少女緹縈自傷泣請從乃從父至長安上書訟父為吏廉平願沒入為官婢以贖父罪天子憐之詔除肉刑○濟北王興居反遣柴武擊之○南越王趙佗稱臣奉貢○吳王托病不朝賜几杖張武受賄遺覺發御府金錢賜之以愧其心○申屠嘉為相入朝嬖臣鄧通在帝旁怠慢嘉曰陛下誠愛則富貴之毋以朝廷賣也罷朝為微名通帝意通必困于嘉急持節召通因謝嘉曰此吾弄臣幸釋之乃免○梁王不下司馬門張釋之劾止之○慎夫人與皇后同坐袁盎却之曰臣聞尊卑有序則上下和妾主豈可同坐哉○以周亞夫為將軍帝自勞軍之細柳營先驅不得入○方士新垣平言周鼎在泗水中今河決通于泗而汾陰有金寶氣意周鼎出乎于是祀渭陽汾陰後知詐誅平○賜鄧通吳王濞以銅山由是吳鄧錢布天下○帝崩遺詔天下三日釋服

漢景帝 在位十六年

賜民田半租三十稅

晁錯違父教

王叔饒梁獄罪空手來見

其沐清金珠

重減筭法

漢景帝嘗提博局殺吳世子。寡恩之性。自太子時已然。既卽位。殘忍任數。詐力御下。七國之變。曰。吾不愛一人。以謝天下。而晁錯棄市。賜亞夫食。曰。鞅鞅非少主臣。而亞夫餓死。信諛用佞。屠戮功勳。則君臣之道缺。過愛梁王。空許傳位。則兄弟之好乖。無罪廢太子。和親遣公主。則父子之恩亡。薄后以失寵。貶栗姬。以恚恨死。則夫婦之義薄。文景雖竝稱賢。而景不及文多矣。然史載其恭儉恤刑。栗紅貫朽。亦守文之主也已。

重刊

正

正

正

三十餘

少

十

五

劍斷所粟取貫神亦守文之主也

之義藝文景繼並解寶而景不父文矣矣然史傳其恭

似父子之恩才藝司以次富則粟繼以悲外孫則夫誠

王空若幹立則景景之我車無罪竊太子味賅並公主

亞夫則取計竊以封外嫪也嫪則吾曰之並給與愛樂

以撫天下而景景棄市則亞夫食曰蟬蟬非少主召而

鴟鳴山變及王嫪若也嗚不才國之變曰吾不愛一人

萬景帝昔其封以餘吳封千襄恩之封自太子謂曰然

萬景帝 六 七

實天書中

廿年大德日

庚辰在皇

十二月諸日

日月皆表

此一日三

三月重

且不誤計

論說易

文

結集卷

卷

附錄

也貴知

而致。○也公主殺。○既暗為中。操賊謂。不

日。豈而。而宜言。無。對。精。人。言。而。刻。太。千。栗。敢。素。財。

人。賊。帝。兼。栗。賊。無。財。人。賊。入。行。詰。立。栗。賊。為。司。帝。按。

由。豈。公。主。日。刻。栗。賊。而。舉。婦。之。美。帝。亦。自。賀。之。王。夫。

刻。太。千。榮。其。母。栗。賊。不。指。公。主。將。千。漸。王。夫。人。義。之。

刃。為。司。刻。太。千。榮。立。刻。東。王。婦。既。身。公。主。懸。於。以。文。

以。射。射。栗。王。王。只。批。益。認。○。刻。皇。司。執。刀。並。夫。人。王。

並。日。天。不。普。高。血。之。天。不。父。千。財。射。萬。之。餘。也。王。阿。

萃。王。來。博。帝。與。之。宴。日。萬。歲。射。射。千。王。寶。嬰。臣。司。阿。

主。司。也。射。以。其。千。事。也。我。亞。夫。不。給。不。食。而。孤。○。平。

不。以。該。而。平。亞。夫。因。賊。出。帝。日。送。之。日。批。婢。婢。非。小。

又。不。置。普。亞。夫。必。不。平。應。陪。向。亂。邪。祥。帝。笑。日。批。非。

佩。亞。夫。嫂。刺。帝。帝。惡。之。合。懸。之。分。圖。置。大。赫。無。何。肉。

血。低。而。則。羅。帝。日。吾。不。愛。一。人。以。撫。天。不。夢。餘。餘。○。

各。竟。益。以。帝。日。為。今。之。情。射。精。體。疑。士。國。順。其。何。無。

最。散。思。精。過。藏。大。赫。附。士。國。射。之。士。國。又。以。精。散。○。

景帝

文官

諸治獄者務

生寬

詔疑獄者讞之

篇結長者

且不疑長者

三月雨雪

地一日三動

日月皆赤

十二月雷日

如紫五星逆

行守太微月

貫天連中

景帝

文書

晁錯患諸侯強大請削七國從之七國反以誅錯爲名袁盎見帝曰爲今之計獨誅錯赦七國則兵可無血刃而俱罷帝曰吾不愛一人以謝天下遂殺錯○周亞夫數諫帝帝惡之召賜之食獨置大胾無切肉又不置箸亞夫心不平顧謂尚席取箸帝笑曰此非不足君所乎亞夫因趨出帝目送之曰此鞅鞅非少主臣也後以其子事連汚亞夫下獄不食而死○梁孝王來朝帝與之宴曰萬歲後傳于王竇嬰引卮酒進曰天下者高祖之天下父子相傳漢之約也上何以得傳梁王王以此益驕○廢皇后薄氏立夫人王氏爲后廢太子榮立膠東王徹初長公主嫫欲以女嫁太子榮其母栗姬不許公主欲予徹王夫人許之由是公主日譏栗姬而譽徹之美帝亦自賢之王夫人知帝嫌栗姬陰使人趣大行請立栗姬爲后帝怒曰是而所宜言耶遂按誅大行而廢太子栗姬恚恨而死○遣公主嫁匈奴○郅都爲中尉嚴酷行法不避貴戚號

曰蒼鷹

帝雄才大略

三策董仲舒

不冠不見汲

黯

李廣飛將軍

衛青將相才

見寬課最

葛右君不言

而躬行

司馬相如詞

賦得幸

東方朔時時

直諫

公孫弘賢長

策

重父優尊陰

陽人主意

初置刺史

漢武帝

在位五十四年號建元元光元朔元狩元鼎元封太初天漢太始征和後元

漢武帝有志慕古典太學正郊祀行夏時表六經創年
號雖詩書所稱何以加焉而且董申趙汲李衛霍張文
武竝進可謂明於治道者也惜創制因心內侈宮室外
事甲兵喜封禪好神仙拜文成五利信桑孔張湯重斂
繁刑賣官贖罪弊政實多焉江充用而巫蠱起太子殺
而國本搖望思臺作悔心始萌罷候神之官布富民之
令事已無濟嗚呼恐女主爲禍立子殺母人亦何樂乎
有子不仁哉爲拓跋氏作備矣

武帝

行半兩錢

起栢梁臺

作承露盤

烏書飯牛

白雲出封中

天旱意乾封

關東大俠郭

解伏誅

蘇武齧雪救

羣

李陵降虜

堯母門

壹闕三老上

書

圖周公圖賜

霍光

星知丁夜出

風如血

黃仲舒申公趙綰汲黯等以文事進李廣衛青霍去
病張騫等以武事進○齊人少翁以方術拜文成將
軍樂大亦方士拜五利將軍尚公主○東郭咸陽與
桑弘羊孔僅三人言利事析秋毫其法大抵出于張
湯湯舞智御人汲黯罵曰刀筆吏不可為公卿果然
○初神巫教美人度厄每屋輒埋木人祭之帝寢得
夢而病使汪充治巫蠱獄掘太子宮得木人甚多太
子懼使客斬充走湖與衛后皆自殺○田千秋訟大
子冤帝乃作思子宮為歸來望思之臺于湖○帝曰
朕即位以來所為狂悖使天下愁苦不可追悔今事
有傷害百姓糜費天下者悉罷之田千秋曰方士言
神仙者甚衆而無顯功請斥之帝曰鴻臚言是也于
是悉罷方士候神人者封千秋為富民侯以明休息
思富養民也○殺鉤弋夫人趙氏帝問左右曰外人
言云何對曰人言且立其子何去其母帝曰然往古
國家所以亂由于少母壯也汝不聞呂后耶故不得
不先去之也後魏道武帝立其子亦殺其
母劉貴人曰吾遠遭漢武為長久計耳

漢昭帝 在位十三年號
始元元鳳元平

不暴引經
斷獄

多所平反其
母喜笑異常

杜延年勸行
儉約

張安世志行
彌篤

漢昭帝以童年能知霍光之忠與上官桀之詐非天資
明敏哉光之事帝惟輕徭薄賦與民休息一旦變武帝
之行事謫即興焉或曰先人典章未循也或曰大將軍
自作威福天子其何賴帝稍信其言光之所為今日行
明日罷矣然能舉賢良問疾苦賑貸貧民種食復除田
租令弗出馬罷榷酤官減戶口錢使虛耗之民漸有生
息上無改父之嫌下無居美之忌可謂難矣而享祚不
永惜哉

燕王旦上官
桀等謀反皆
伏誅

祠鳳凰于東
海

傅介子誘殺
樓蘭

上官桀以霍光不納其孫女入宮惡之詐為燕王上
書誣光罪光聞之止書室中不入帝問大將軍安在
詔入光免冠頓首謝帝曰將軍冠朕知是書詐也將
軍調校尉未十日燕王何以知之且將軍為非不須
校尉時帝年十四尚書左右皆驚而上書者果亡後
桀黨有譖光者帝怒曰大將軍忠臣先帝屬以輔朕
身有毀者坐之自是桀等不敢言○權酤酒稅也○
蘇武還自匈奴以為典屬國初武既徙海上校漢節
故余臥起操持節旄盡落單于使李陵至海上置酒
設樂說之武曰臣事君猶子事父也子為父死無所
恨王必欲降武請畢今日之歡效死于前陵喟然嘆
曰嗟乎義士陵與衛律之罪上通于天矣因泣下沾
襟至是匈奴和親漢使至求武等匈奴詭言武死常
惠私教漢使謂羣子言天子射上林中得雁足帛書
言武所在乃歸武武留匈奴十九年始以強壯出及
還鬚髮盡白○泰山石立上林僵柳自起生符節令
畦弘上書言當有一庶人為天子者語
聞以妖言伏誅未幾而宣帝立自民間

宣帝詔求微
時故劍

廼廣漢發好

而伏如神

見事風生

路溫舒上尚

德緩刑書

王褒作聖主

得賢臣頌

韓延壽閉閣

思過

置常平倉

漢昌邑王在宣帝在位廿五年號本始地節元康神爵五鳳甘露黃龍

昌邑王立僅二十七日。遊戲無度。霍光不敢負社稷。奉

太后命。廢之而立宣帝。講論五經。信賞必罰。吏治民安。

人材稱盛矣。股肱稱美矣。畫功臣於麒麟閣上。惟霍光

不名。蓋爲其功大耳。然則有罪。猶當十世宥之。何骨未

寒而族已赤哉。深知太子仁柔。則當裁奪寺之權。抑椒

房之勢。而乃任弘恭石顯。久居要地。使許延壽史高。竝

列崇階。凡言事必勅其諄議。則是國家大事。非二者不

得與聞。其流尙可止耶。

趙充國貴謀

賤戰

丙吉問牛喘

蓋寬饒以直

言死

霍氏之禍萌

于驂乘

朱邑治行第

二

張敞五日京

兆

嚴延年屠伯

鳳凰三集

求金馬碧雞

宣帝詔諸儒講五經同異于石渠閣帝親稱制臨決焉乃立梁丘易大小夏侯尚書穀梁春秋博士梁丘名賀大夏侯名勝小夏侯名建穀梁名淑麒麟閣上惟霍光不名曰大司馬大將軍博陸侯霍氏其他張安世韓增趙充國魏相丙吉杜延年劉德梁丘賀蕭望之蘇武凡十一人○霍光夫人顯及禹山等謀廢天子事覺族誅○龔遂守渤海躬率儉勤勸民農桑民有帶刀劍者使賣劍買牛賣刀買犢曰何為帶牛佩犢○尹翁歸為東海太守公廉明察郡中吏民賢不肖皆有記籍披籍取人以一警百吏民畏服○黃霸為潁川太守外寬內明得吏民心治為天下第一○太傅疏廣少傳疏受同乞骸骨帝許之加賜黃金及歸賣金買酒與故舊為歡或勸廣以金為子孫立產業廣曰賢而多財則損其志愚而多財則益其過且富者眾之怨也吾既無以教化子孫不欲益其過而生怨又此金者聖王所以惠養老臣故樂與鄉黨共享其賜以盡吾餘日

不其可乎是疾人兒服

賈捐之議
珠崖

薛廣國諫從
橋

吉衡疏六戒

賈氏明經著
節

漢元帝 在位十六年號初元永光建昭竟寧

漢元帝在東宮。多材藝。喜詩書。溫雅有古風。烈及親政。貧民賑焉。種食貸焉。官館罷焉。數月間。善政迭書。率是而行。孝文亦不是過。然史高以外戚領尚書。恭顯以宦官典樞密。所用非人。天下事已不可與有爲矣。至德不明。優柔不斷。牽制文義。羣小搆讒。使蕭望之飲鴆。周堪疾瘁。張猛自殺。京房見誅。有善不能用。有惡不能去。無知人之識。乏明斷之才。以釀外戚宦官之禍。西漢之凌夷。決于帝已。

馮野王石能
第一

召信臣治行
第一人號召
交

王燾下賜單
于

甘陳矯制立
功

雌雞化雄雄

雞生角

隕石

元帝

文會

蕭望之周堪皆以師傅舊恩天子任之與劉更生金
敞並拾遺左右四人同心謀議史高充位而已由是
與望之有隙中書令弘恭僕射石顯久典樞機望之
建白以爲中書政本不宜用宦官當罷之應古人不
近刑人之義恭顯因奏望之與周堪劉更生朋黨請
召致廷尉帝可其奏竟罷免然帝器重望之不已會
望之子伋上書訟前事恭顯奏望之教子上書失大
臣體請逮捕帝乃召望之望之飲酖死○以周堪爲
光祿大夫領尚書事張猛爲大中大夫給事中石顯
管尚書尚書五人皆其黨堪希得見常因顯白事事
決顯口會堪疾瘠不能言而卒顯誣譖猛令自殺于
公車○京房精于易知數策事多奇中天子悅之然
爲石顯五鹿充宗所忌出爲魏郡太守未幾石顯譖
房誹謗天子遂棄市房先受易乎焦延壽延壽嘗言
得吾道以亾身者必京生也果然○石顯與僕射牢
梁少府五鹿充宗結爲善友民歌之曰牢耶石耶五
鹿客耶印何纍

纍纍授若若纍

漢成帝

在位廿六年號建始河平陽朔鴻嘉永始元延綏和

薛宜身兼數器

班伯讜言

劉向進洪範五行傳論

何武去後思

漢成帝臨朝淵默尊嚴若神。有穆穆天子之風。第湛于酒色。委政王氏。廢許后。寵飛燕。合德使諸舅口藏。國勢日衰。天災地變。史冊已不勝書。帝不疑王氏。此谷永杜欽張禹蔽之也。然其時直臣亦不少。王章死獄。劉輔鬼薪梅福朱雲上書折檻。劉向封事。極言王與劉勢不並立。帝惟嘆息悲傷而已。其何以弭災異。安社稷耶。帝素無疾病。晨起不能言。推治起居。合德自殺。此禍水也。滅火必矣。淖方成之言驗乎。

帝微行稱富
平侯家人

孔光削草

民訛言大水
至

黃霧四塞

秋桃李實

鐵飛

悉封諸舅為列侯譚商立根逢時同日封故世謂之
五侯。○初許后與班婕妤皆寵帝欲與婕妤同輦辭
曰觀古圖畫聖賢之君名臣在側三代昏主乃有嬖
妾今欲同輦得毋似之乃止。○帝過陽阿王家悅歌
舞者趙飛燕召入宮大幸女弟合德復召入姿性尤
醜粹披香博士淳方成在帝後唾曰此禍水也滅火
必矣姊弟皆為婕妤譖后及班因廢之。○四月雨雪
時政在王鳳議者多歸咎焉谷永因欲自托乃曰骨
肉大臣有忠無患陛下不宜聽讐說歸咎無辜重失
天心杜欽亦倣此意故得擢光祿大夫。○張禹年老
子弱恐為王氏所怨亦曰災變之意深遠難見淺見
鄙儒亂道誤人宜毋信用帝由是不疑王氏。○王章
上書言日食之咎皆鳳所致因薦馮野王以代鳳鳳
懼使尚書劾章致死。○立飛燕為后劉輔切諫詔獄
論為鬼薪取薪于山以給宗廟三歲刑也。○故南昌
尉梅福上書不報。○槐里令朱雲上書求見願賜尚
方斬馬劍斷佞臣一人頭以厲其餘謂
張禹也御史將雲下雲攀殿檻檻折

漢哀帝在位六年號建平延壽

劉歆典類五經

賈讓治河三策

鮑宣言七十死

漢哀帝初封于外。好禮節儉。深知先帝優容。五侯驕恣。而欲收攬威權。以則武宣。奈德不優。才不振。復爲傳太。太后所制。孔光朱博等小人用事。致有中山東平之獄。王嘉鄭崇鮑宣之死。天下誰不非之。更寵董賢。且曰。吾欲法堯禪舜。嗚呼。自古固多溺愛之君。未聞有頑童而欲禪以天下者。使莽聞之。豈不曰。若彼頑童。固可受禪。如我國戚。何難僭號。吾知莽之篡逆。不待元始而逞其欲。在帝之時。早已蓄於胸中矣。

更號陳聖劉
太平皇帝

彭宣乞歸

彭宣言行錄

表帝

帝爲定陶共王之子元帝庶孫傳太太后共王母也
○以朱博爲丞相臨庭登受秉有大聲如鐘鳴殿中
帝問黃門侍郎李尋尋曰此洪範所謂鼓妖也人君
不聽爲衆所惑空不得進則有聲無形不知所從出
宜退丞相以應天變帝不聽○中山王馮太后亦元
帝后及其弟參被誅皆自殺○東平王雲坐祀祭視
與自殺○帝欲誅丞相王嘉封還詔書不食
而死○尙書奏崇與宗族通疑有姦帝責崇曰君門如市何
昌因奏崇與宗族通疑有姦帝責崇曰君門如市何
以欲禁切至上崇曰臣門如市臣心如市願得考覈
帝怒下獄殺之○丞相孔光行園陵馳道中鮑宣鉤
止之反以摧辱宰相下獄諸生舉幡太學下曰欲救
鮑司隸者會此會者千人遮丞相自言又守闕上書
上竟抵宣罪○董賢常與帝同臥起一口賢晝寢偏
藉帝袖帝欲起賢未覺不欲動賢乃斷袖而起賢嘗
侍宴帝有酒從容視賢笑曰吾欲法堯禪舜何如其
拜大司馬冊文有允執其中語孔光知帝
尊寵賢下車拜謁賢由是懼與人至倖矣

榜福變姓名
為吳門市卒

逢萌掛冠

重勝印綬加
身不食而死

薛方守箕山
之節

禁卯金刀

新室文母

作井田

王田私屬

漢平帝

在位五年號元始。孺子嬰王莽居攝一
年。僭位十五年。號初始。始建國。天鳳地皇

漢平帝雖立王莽總已賜號安漢公。繼加宰衡。再加九

錫。豈帝真下愚。時權在莽。挾帝以不得不然之勢耳。椒

酒置毒。莽實弑帝。而乃藏策金滕。將誰欺乎。由是稱攝

皇帝。又稱假皇帝。立孺子嬰。止兩歲。莽利其幼也。使王

舜請璽太后。涕泣以璽投地。未幾廢嬰為安定公。遂篡

位。稱新皇帝。據十五年。亂政紛紛。迫漢兵扶至漸臺。將

斮其身。切其舌。何莽此時尚不覺悟。猶曰天生德于予

漢兵其如予何。

平帝王莽

莽大夫楊雄
死

頃咸用漢祖

黃霧四塞
四月噴霜

雪深一丈
民訛言黃龍

自孔光等養成漢禍，詔佞成風，采伊尹、周公稱號，加莽爲宰衡，上書頌莽者至四十八萬人。○莽因臘日上椒酒，置毒酒中，帝疾，莽作策，請命于泰畤，願以身代藏策。金滕置于前殿，勅諸人莫言。○武功井中得白石，文曰：「告安漢公莽爲皇帝。」羣臣奏太后，請安漢公踐祚，謂之攝皇帝。詔曰：「可。」又詔莽朝見稱假皇帝。○莽既篡位，親執瑞子手，流涕歔歔曰：「昔周公攝位終得復子明辟，今予獨迫皇天威命，不得如意，哀嘆良久。」于是中傅將孺子下殿，北面稱臣。時長安狂女子呼道中曰：「高皇帝大怒，趣歸我國，不者九月必殺汝。」莽捕殺之。○莽以軍師外破，大臣內叛，憂懣不能食，但飲酒啗鰓魚。及漢兵至武關，莽親率羣臣至南郊，搏心大哭，氣盡伏而叩頭。俄亂兵入，火及掖庭，承明孝平皇后曰：「何面目見漢家？」遂投火而死。莽避火宣室，旋席隨斗柄而坐，曰：「天生德于予，漢兵其如予何。」旦明，羣臣扶莽之潮臺，晡時衆兵上臺，斬莽首，將其身節解，分傳首諸死百姓，共提擊之，或切食其舌。

漢淮陽王在位
二年號更始

長人巨無雙
號百萬

侏儒却君章
楊禽破陣

耿弇拔劍歸
蕭王

北道主人

莽末諸雄欲立劉後以從人望。新市平林。譚劉續威名。貪更始懦弱。定策立之。續卽被殺。長安兵四集。爭析莽首。更始始都洛陽。諸將過皆冠幘服婦人衣。士民笑之。及居長樂。升前殿。俛首刮席。忤不敢視。委政趙萌。飲讌後庭。羣小膳夫濫膺官爵。有竈下爛羊之譴。蕭王秀旣平王郎。復滅銅馬。乃赤眉兵熾。奉劉盆子攻入長安。更始未及降。而蕭王已卽位鄴南矣。詔封更始爲淮陽王。及其死也。詔鄧禹葬之霸陵。

又其孫也結澄西墓之禮刻

成未及剝而蕭王口咽公臨南突結挂更故為斯國王

平王項彭越國魚氏衣冒兵越永隆益于楚人封安里

外國率小部夫滿觀官覆林蕭不獸羊之嘉蕭王衣和

又其子樂代前劉外首隨和并下順願委越飲苗海蕭

首更故故結故使苗苗苗昔探其弗故人武士其美之

貪更故故故寶第立之蘇明越楚封安里其四第其第

楚末蕭彭越立陸彭以資人望微中平杜單隨其封

張蓋主人

蕭王

楚王

楚王

楚王

楚王

楚王

楚王

謝安

外粘

松堅軒集

當不憚其險而不計其利也。今人頗草率去
炎風烈門出滿載文筆於此口則下
雷聲劍至青礪問劍刺其多而又不金平人頗草率去
帝之更故要師長且前西立蓋對面我舉手不誦言
者心置人期吾商安晏不對我對關西觀衣為隱忍
意不自交表以乘驛想對許南斜各語曰蕭王耕
章悉謝之曰令又與子自支○孫思淵趙鼎劉綱皆
之悲文非獨傳王腹群夷刃興頃交關高如昔幾干
今日重不養中驅鋒斷羊首魏臨斷羊頭關內知
圖今日鄭良黨官親弟由是端香昔歸山○尋丈
之以貝后疑翁靈省勤喜不自類步吏官重常日不
越提勢前楚益宮和部三離吏士東照更故莫不美
爭千量共結辭姓之○更故循奇恩以應表百何求
專清計世只像也今更故帥霞清曜更故勉鄂龍目
之更故不嫌發暗昧隆慶閣更故立慈曰木豈國大
吳書明又更故立諸親父朝陞餘規各刻碑更故創
宗室隆辭又弟承賦兵春劉興英帝宣祿市平林
蘇市王固垂並文顯綽平林人刺并之基畢兵與之

劉聖驥帝
伏誅

彊華進赤伏
符于蕭王

淮陽王

新市王匡等進攻隨縣平林人陳牧廖湛舉兵應之。宗室劉續及弟秀起兵春陵興復帝室。新市平林兵皆附。及更始立諸將又憚劉續威名陰勸更始除之。更始不敢發。部將劉稷聞更始立怒曰。本起圖大事者。伯升兄弟也。今更始何爲者耶。更始收稷續固爭。于是并執續殺之。更始都洛陽。以劉秀行司隸校尉。使前整修宮府。時三輔吏士東迎更始莫不笑之。及見司隸僚屬皆隴畝不自勝。老吏皆垂涕曰。不圖今日復見漢官威儀。由是識者皆屬心焉。○長安謹曰。竈下養中郎將。爛羊胃。騎都尉。爛羊頭。關內侯。○秀攻邯鄲。斬王郎。得吏民與郎交關。誅毀者數千。章悉燒之。曰。令反側子自安。○銅馬諸賊俱降。降者意不自安。秀乃乘輕騎。按行諸部。降者語曰。蕭王推赤心置人腹。吾儕安得不投死。故關西號秀爲銅馬帝。○更始每朝見。但南面立。羞愧流汗。舉手不能言。諸將後至者。輒問。據掠得幾何。及盆子入。則單騎走從厨城門出。諸婦女從後連呼曰。陛下當下謝城。節下拜。復上馬。其廢愚如此。

法禮順人情

伏隆死師

子陽井底蛙

待盆子以不

死

班彪著王命

論

一九沉封甬

谷開

容是貌帝座

嶺南華風始

子三守

竹馬兒童拜

迎郭伋

馬接聚米為

山谷

得龍望蜀

漢光武帝

在位三十三年
號建武中元

漢光武業係中興事同開創當天天下大亂兄伯升好俠

養士帝獨勤于稼穡人比之高祖兄仲抑何自毀塲也

迫昆陽捷後伯升遇害而能隱忍圖存以待赤眉兵亂

盆子角立神器曠無所歸然後一鼓而收之所謂知進

退存亡而不失其正者惟帝足以當此章陵宗室曰文

叔少時謹信與人不款曲直柔耳帝笑曰吾舉天下亦

欲以柔道行之真至言也但廢郭后易太子信圖識行

封禪不免盛德之累已

祭遵雅歌投

壺

漢八戰八

克

貴戚斂手避

鮑

賈融入朝

郭憚拒闕不

開

韓歆直諫被

殺

董宣強項

郭况金穴

豐稊是翁

馬援戒子

第五倫公平

廉介

案此不為褒

伯升為更始所害帝絕不作戚容淮痛自引咎至不
 敢為兄喪飲食言笑恬如也而枕席間淚常交漬下
 馬異獨寬譬之。郭后寵衰數懷怨懟故廢却憚言
 于帝曰臣聞夫婦之好久不能得之于子况臣能得
 之于君乎是臣所不敢言雖然願陛下念其不可勿
 亂大倫使天下有議社稷者。郭后既廢太子彊意
 不自安屢請願備藩國乃立東海王陽為太子彊意
 莊以彊為東海王。起靈臺明堂辟雍宣布圖讖于
 天下桓譚上疏切諫帝大怒曰桓譚非聖無法將下
 斬之良久乃得解出為六安郡丞道卒。杜詩為南
 陽太守人語曰前有召父後有杜母。杜詩從帝南
 征潁川盜賊悉平竟不拜郡百姓遮道曰願復借寇
 君一年乃留恂長社。張堪為漁陽太守民歌曰桑
 無附枝麥穗兩岐張君為政樂不可支。徵劉昆為
 光祿勳帝問曰前有江陵反風滅火後守弘農虎北
 渡河行何德政而致是事對曰偶然耳左右皆笑帝
 嘆曰此長者之言也願命書諸策

漢明帝 在位十八年號永平

孝孔子宅

郭賀行部去
襜帷

楚王最先好
佛後被殺連
坐者以千數

漢明帝以世祖爲父。以光烈皇后爲母。以東海王彊爲
兄。以馬貴人爲后。賢哲一堂。人倫樂事。亦云備矣。年十
二。卽辨陳留吏牘之語。及卽位。臨雍講藝。勲戚莫不受
經。匈奴遣子入學。四姓小侯立學于南宮。二十八將圖
畫于雲臺。故永平之政。東都稱美。薄諸子之封。獨隆中
山。東平之賜。馬廖兄弟。未嘗私恩。改官郭况。以廢后之
戚。均禮陰氏。帝亦何愧于明哉。所可恨者。求天竺佛法。
以爲中國無窮之禍。眞萬古之罪人矣。

一
康范兩炬三
頭

漢家神箭

耿弁并井

宿
卿官上應列

光武以天下墾田多不以實戶口年紀互有增減乃
詔下州郡檢覈時諸郡各遣吏奏事見陳留吏牘有
書視之云潁川弘農可問河南南陽不可問光武詰
吏由吏不肯服光武怒時帝在幄後言曰河南帝城
多近臣南陽帝鄉多近親田宅踰制不可為準及詰
吏由吏乃首服如對○幸辟雍行養老禮以李躬爲
三老桓榮爲五更禮畢引桓榮及弟子升堂帝自爲
辨說諸儒執經問難于前冠帶縉紳之人圍橋門而
觀德者蓋億萬計○四姓小侯謂外戚樊鄧陰馬也
○二十八將鄧禹馬成吳漢王梁賈復陳俊耿弇杜
茂寇恂傅俊岑彭堅鐔馮異王霸朱祐在光祭遵李
忠景丹萬修蓋延邳彤姚期劉植耿种耿种耿种耿种
隆又益以王常李通竇融卓茂合三十二人馬援以
椒房之親獨不與焉○帝分封皇子親定其封域裁
令半楚淮陽馬后曰諸子食數縣不已儉乎帝曰我
子豈宜與先帝子等謂東平王蒼中山王焉也○馬
廖馬防馬光皆后兄弟終帝世未嘗改官
○郭兄光武廢后外戚陰氏帝母家也

楊終請罷邊兵

馬廖勸成德政

馬防耿恭同功異賞

漢章帝在位十三年號建初元和章和

漢章帝力行寬大。虎觀談經。篤友愛之情。議貢舉之法。輕徭薄賦。與天下休息。爲東漢賢君。第寵竇后。啓竇憲弄權之漸。寵竇憲成外戚爲亂之階。曹丕謂明帝察察章帝長者。然觀其所爲。適以長者自累耳。內則后之譖殺貴人而廢太子。外則奪公主園田而不能罪。張林楊光恃勢貪殘。太尉鄭弘奏言卽死。傳育擾動諸羌。梁竦無辜斃獄。而竇氏驕淫滋甚。不能以時收剪。其失不有甚于明帝哉。

陳寵清政苛

俗

魯恭治中牟
三異

鄭均白衣尚
書

班超去妻

曹褒定漢禮

章帝

詔諸儒會白虎觀議五經同異丁鴻班固等皆與焉
○有司奏請東平王歸國帝手詔曰骨肉天性誠不
以遠近爲親疎然數見顏色情重昔時念王久勞思
得還休欲署大鴻臚奏不忍下筆顧授小黃門中心
戀戀惻然不能言于是車駕相送涕泣而訣○詔議
貢舉法韋彪上議曰國以簡賢爲務賢以孝行爲先
是故求忠臣于孝子之門然其要歸在于選二千石
二千石賢則貢舉得其人矣○初宋貴人生太子慶
竇后養梁貴人子肇爲己子謀陷宋氏及廢慶立肇
梁氏私相慶后忌之諸竇作飛書陷梁竇竇死獄中
竇女兩貴人俱以憂死○竇憲以賤直奪沁水公主
園田○鄭弘奏憲專權林光助惡遂收印綬而死○
廉范遷蜀郡太守百姓歌曰廉叔度來何莫不禁火
民安作昔無襦今五袴○詔嬰兒無親屬及有子不
能養者廩給之○或問第五倫曰公有私乎曰吾兄
子病一夜十往退而安寢吾子病雖不往而竟夕不
眠若是者豈可謂無私乎

實憲刻石燕然

韓發正色立朝

詔檢勳鄧氏實云

漢和帝在位十七年 號永元元興 殤帝在位一年 號延平

漢和帝勒兵誅憲獨行威斷友愛兄弟吸納嘉言因旱蝗而除租稅詔太官勿受珍羞亦慈儉之君也帝雖育子竇太后竇梁貴人子梁姊訟寃帝以臣子無貶尊上之文讀其手詔益知其為仁孝也第鄧眾宦官也雖有除逆之功而賞爵封侯未免太過殤帝即位鄧太后臨朝恭肅小心動有法度以張禹為太傅徐防為太尉鄧騭為車騎處置井然鄧之賢於竇遠矣而帝立以百日崩以二歲此殤之所由謚歟

和帝殤帝

樊冲請學

詔舉隱逸選
博士

永濟無大魚

帝以朝臣莫不附憲中常侍鄭眾獨有心機遂與定議誅憲封眾爲勲鄉侯○臨武長唐羌上疏曰臣聞上不以滋味爲德下不以貢膳爲功南州炎熱惡虫猛獸不絕于路獻生龍眼荔枝者觸犯死亡不可勝數死者不可復生來者猶可救也詔曰遠方珍羞本以薦奉宗廟苟有傷害豈愛民之木其勅太官勿復受獻○初梁貴人死官省事秘莫知帝爲梁氏出會貴人姊上書自訟乃知貴人枉死帝感慟良久三公奏請貶竇太后尊號不宜合葬先帝帝詔曰竇氏雖不遵法度而太后常自減損朕奉事十年深惟大義禮臣子無貶尊上之文恩不忍離義不忍虧其勿復議乃追尊母梁貴人爲皇太后封梁竦三子爲侯梁氏自此盛矣○班超起自書生拔筆有封侯萬里之志有相者謂曰生燕領虎頭飛而食肉萬里侯相也及久在西域年老乞歸曰臣不敢望酒泉郡但願生入玉門關久之未報超妹薈大家爲超上書求哀帝感其言詔還京師

仲長統言

漢安帝

在位十九年號永初元初永寧建光延光

錄因河車

度兩盤根錯

節

增寵

漢安帝之立也。鄧太后猶臨朝。却外戚省供奉。作祥刑。善政多端。帝年二十二始立。后至二十七。尚未反政。豈太后之專擅哉。太后崩。而鄧騭等皆自殺矣。江京李閭。爲列侯矣。王聖爲野王君矣。楊震來歷。先後被樊豐之讒而去矣。然則閹后妬忌。殺太子之母。而不能問。繼則京豐交譖。陷太子之廢。而不能辨。一旦不諱。樹立嬰孩。遂至妬后臨朝。權歸閹尹。帝之不德若此。則知太后握固不予。非得已也。

設三科以募

壯士

米綈縫襦

班勇有父風

載馮石府留

飲十日

司徒魯恭奏舊制立秋乃行薄刑自永元以來改用
 孟夏土逆時氣下傷農桑按月令孟夏斷薄刑者謂
 輕罪已上不欲久繫故特斷之也可令大辟之科盡
 冬月乃斷從之○江京李閏樊豐皆宦官○王聖帝
 乳母○閏后性妬後官李氏生皇子保后鳩殺李氏
 ○帝納江京樊豐之譖廢太子保太僕來歷要結劉
 稭等證太子無罪下詔責之乃各引去歷獨守闕連
 日不肯去○楊震孤貧好學諸儒謂之關西夫子楊
 伯起累遷荊州刺史昌邑令王密夜懷金十斤遺之
 震曰故人知君君不知故人何也密曰暮夜無知者
 震曰天知地知我知子知何謂無知密愧而出或勸
 震為子孫開基業震曰使後世稱為清白史子孫以
 此遺之不亦厚乎官至太尉被讒飲酖而卒○黃憲
 字叔度潁川荀淑嘗異之○嘗蓄周舉每相謂曰時月
 之間不見黃生則鄙吝之心復生于心矣郭泰亦謂
 其汪汪若千頃波澄之不清淆之不濁云○薛包與
 兄弟異居奴婢引其老者出廬取荒頓者器物取朽
 敗者弟子數破其產輒復張給帝聞之徵拜侍中

漢北鄉侯在順帝在位十九年號永建

法真隱居不仕

左雄有王臣之節

漢順帝為太子時。降封濟陰。安帝既崩。以廢黜不得上殿。親臨梓宮。悲號不食。閭后貪北鄉侯年幼。迎而立之。八月而薨。中常侍孫程等十九人。誅閭顯兄弟。遷太后於離宮。而帝即位。天下想望其風采。黃瓊李固輩相繼登用。東京之士。於茲盛焉。惜乎不能善用其才耳。然能朝太后。起太學。還大珠。葬楊震。似非下愚之主。而令中官養子襲爵。又封乳母宋娥。任梁冀兄弟無君。錮寵不悟。則其愈於下愚者幾何哉。

李固政爲天
下第一

張衡作渾天
儀

時徵江夏黃瓊李固以書遺之曰君子謂伯夷隘柳
下惠不恭不夷不惠聖賢居身之所珍也語曰峴峴
者易缺皦皦者易污盛名之下其實難副俗論皆言
處士純盜虛聲願先生弘此遠謨令衆人歎服一雪
此言爾瓊後居職達練官曹爭議朝堂莫能抗奪數
上疏言事帝頗採用之○李固郤之子少好學嘗改
易姓名杜策驅驢負笈從師不遠千里究覽墳籍爲
世大儒每到太學密入公府定省父母不令同業書
生知其爲郤子也○初議郎陳禪以閭太后與帝無
母子恩安絕朝見李郤密表力爭其不可帝從之○
安帝薄于藝文學舍鞠爲園蔬翟酺上疏請更修結
誘進後學帝從之○桂陽獻大珠不受○詔堊揚震
時有大鳥高丈餘集震喪前俯仰流涕始飛去○遣
杜喬張綱等八人分行州郡張綱獨理其車輪于洛
陽都亭曰豺狼當道安問狐狸遂劾奏大將軍梁冀
河南尹梁不疑專肆貪叨仇害忠良謹條其無君之
心十五事書

奏京師震悚

漢冲帝

在位一年
號永嘉

質帝

在位一年
號本初

皇甫規君舟
民水之喻

梁並以恩信
招誘叛羌

漢冲帝內恃太后外任李固梁冀雖忌尙未敢害也。踰
年遂崩清河渤海竝徵至京清河嚴重公卿歸心冀利
渤海年幼排衆立之質帝雖冀所立少而聰慧嘗因朝
會目冀曰此跋扈將軍卽受毒餅之禍其時李固身爲
上公當奉太后冕服而臨窮究侍醫猝謀使不及備逆
臣卽可授首因而策立清河不崇朝漢祚可復隆矣。豈
意太后左右皆冀腹心一人叫呼衆必不應固雖效枕
尸之哭而卽策免矣。吁恨哉。

風
實帝有昭帝

梁穆戒梁冀

冲帝既崩李固請梁冀曰立帝宜擇長年有德任親政事者願將軍審詳大計察周霍之立文宣戒鄧閭之利幼弱冀不從與太后定策禁中迎立質帝。按兩雅山卑而大扈跋者不由蹊隧而行言强梁之人行不由正路山卑而大且欲跋而踰之故曰跋扈。帝食毒餅苦煩甚召李固固入前問帝曰食煮餅腹悶得水尚可活冀曰恐吐不可飲水語未絕而崩固伏尸號哭推舉侍醫議立嗣先與冀書曰先世廢立未嘗不詢訪公卿廣求羣議今上應天心下合衆望國之興衰在此一舉冀乃召百官入議固及杜喬等皆欲立清河王冀白太后先策免固迎立桓帝。席陵張嬰據郡反歷陽盜華孟自稱黑帝滕撫進擊嬰及孟皆破斬之東南悉平。永昌太守劉君世鐫黃金爲文蛇獻冀益州刺史仲嵩糾發逮捕馳傳上言冀由是恨嵩會巴郡人服直謀反稱天王嵩等討捕不克冀因此陷之李固上疏力救嵩得赦罪免官而已金蛇輸司農冀從大司農杜喬借觀之喬不與冀心術之

今日得御李

君

登龍門

李郭仙舟

潁川四長

范滂登車

經有沒清大

下之志

腹蕃下榻

美肱兄弟同

被

張陵奪劍

漢桓帝

在位廿一年號建和和平
元嘉永興永壽延禧永康

漢桓帝亦梁冀所立。生殺予奪盡出于冀。莫敢誰何。未
幾單超等齧血定盟。盡滅冀族。朝野喁喁稱快。奈梁氏
方鋤。五侯繼虐。毒徧海內。與盜無異。更興部黨。以李膺
杜密為名。胥天下賢士。號為黨人。捕而誅之。剝之。其禍
反勝於冀時。論者謂士君子不能善藏其用。使暴秦焚
坑之禍復見於今。不能無遺憾焉。尤可異者二十一年。
凡三立后。兩不食死。專事畋遊。急於征斂。或云陳蕃任
事則治。吾不信也。

劉詭一錢

劉寬補

屏

孟敏墮甕不

顧

張成風角

元方坐方難

兄難弟

平原無党

皇甫規恥不

與党

賣閔內侯以

下官

李固既廢內外喪氣惟杜喬正色無所回撓朝野倚
 望焉會京師地震喬以灾異策免梁冀乃使馬融草
 奏誣李固杜喬與妖賊劉鮪交通收下獄死○封單
 超左珰貝瓊徐璜唐衡為列侯超卒四侯轉橫天下
 為少語曰左回天貝獨坐徐臥虎唐兩墮虐徧天下
 與盜無異○李膺杜密各行相次時人謂之李杜時
 甘陵周福房植二家賓客互相譏謗有南北部黨人
 之議太學諸生三萬餘人郭泰賈彪為其冠與李膺
 陳蕃等更相褒重于是中外承風競以臧否相尚官
 官因緣諸訴遂捕李膺杜密部黨二百餘人下獄策
 免太尉陳蕃○苟淑有八子時人謂之八龍陳實與
 淑齊名嘗詣淑長子元方御車次子季方駿乘孫羣
 尚幼抱車中至淑家八龍迭侍左右淑孫或尚幼抱
 置膝上太史奏德星見五百里內有賢人聚○崔實
 政論其略曰夫刑罰者治亂之藥石也德教者與平
 之梁肉也以德教除殘是以梁肉治疾也以刑罰治
 平是以藥石供養也仲長統見其書
 嘆曰凡為人主宜寫一書置之坐側

張儉望門投

止

孔褒一門爭

死

夏馥隱名避

禍

袁閔卒干上

室

申屠蟠超然

免于評論

同風萬事不

理

張讓公死陳

是獨弔

汝南許劭月

旦評

漢靈帝

在位廿二年號建寧熹平光和中平

漢靈帝初立。陳蕃竇武輩同心佐治。天下延頸以望太

平。無何曹節王甫矯詔發兵復治。鉤黨流毒縉紳。三君

後顧及。厨之流死徙廢禁。難以悉數。張讓與張角交通。

不加之罪。張鈞呂彊直言賈禰王允盧植皇甫嵩有平

賊大功。反多罪獄。而封讓等為十三侯。開邸立庫。賣官

聚錢。漢之天下可復保乎。其時變異有從古所無者。仍

立單圭靈昆二苑。作列肆於後宮。以為淫樂。不知社稷

之將亾。人嘗言桓靈靈又劣於桓已。

桓典聽馬御

史

董卓擢用天

下名士

許生僭稱帝

孫堅殺之

張舉僭稱帝

劉虞殺之

青蛇見御座

上

雖變化雄

黑氣如龍墮

溫德殿庭

青蛇見玉堂

殿庭

殺李膺等百餘人初李膺等雖禁錮士大夫高尙其道更相標榜以實武陳蕃劉淑爲三君君者世所宗也以李膺杜密等爲八俊俊者人之英也以郭泰范滂等爲八顧顧者能以德行引人也以張儉等爲八及及者能導人追宗也以杜尙等爲八厨厨者能以財救人也○黃巾賊張角以妖道聚衆數萬中常侍封謂等爲內應京師震動及封謂事發帝詰責諸常侍皆叩頭求退已而共譖呂彊彊遂自殺張鈞上書請斬十常侍以謝百姓帝怒曰此真狂子也御史遂誣鈞學黃巾道掠死禁中○盧植破張角垂當拔之宦官誣植抵罪詔皇甫嵩討角大破之會角已死剖其棺傳首京師王允破黃巾得張讓交通書帝不罪讓反徵允下獄得減死論未幾皇甫嵩亦罷○開西邸賣官西園立庫貯錢崔烈入錢五百萬得爲司徒問其子曰外議何如荅曰人嫌其銅臭耳○作列肆于後宮使諸采女販賣更相盜竊爭鬪帝着商賈服從之飲宴爲樂又于西園弄狗着進賢冠帶綬駕四驢躬自操轡京師相倣效驢價遂與馬齊

漢少帝

在位六月號

獻帝

在位三十年號

寶鼎金不

靈帝二子曰辯曰協。辯立為少帝。董卓至京師。見於北

芒坂下。遂心輕王室。廢少帝。弑太后。立協為獻帝。遷都

長安。流離板蕩。莫可勝言。當王允等密謀。呂布奮戟誅

卓。幸冀苟安。李催郭汜治兵相攻。劫天子。質太尉。紛爭

陽虎四世清德

道路播遷。無王。曹阿瞞奸雄肆虐。與董卓昭定。盡遷帝於

許。舉止勦靜。一聽挾持。立魏宗廟。而不敢問。進爵自王

孫權以荆州

而不敢言。扶殺國母。而不敢救。但曰。我亦不知命在何

石劉

時。嗚呼。何其慘耶。

少帝獻帝

非復異下阿
冢

孫劉分洲

龐統三計

關羽威震華
復

少帝既立何太后臨朝中軍校尉袁紹勸大將軍何進悉誅宦官進白太后不聽未幾進召董卓使將兵詣京師卓卽時就道未至進爲張讓等所殺袁紹乃勒兵捕諸宦官皆殺之讓等因迫遂將帝出穀門讓等自投河死卓至迎帝于北芒坂下尋廢之而立獻帝弑何太后司徒王允與校尉黃琬僕射士孫端密謀使中郎將呂布誅卓布曰如父子何允曰君自姓呂本非骨肉擲戟之事豈有父子情耶布遂趣兵斬卓卓將李傕郭汜舉兵犯關收允殺之尋進攻汜劫帝入其營帝使公卿和催汜汜留太尉楊彪等爲質復攻催遷帝于北塢後董卓承等奉車駕至洛陽曹操在許謀迎帝將兵詣洛陽遂遷帝于許由是政歸曹氏天子守位而已。時董卓承女爲貴人操誅承求貴人殺之帝以貴人有娠爲請不得伏后懼與父書令密圖之事泄操乃勒兵入宮牽后出時帝在外殿后披髮徒跣行過諛曰不能復相活耶帝曰我亦不知命在何時願謂鄒慮曰鄒公天下豈有是理耶及操卒子丕遂篡漢

附兩漢末諸人

赤眉

劉盆子太山式人陽城景王章之後祖憲為式侯父萌嗣莽時國除兄恭茂與盆子俱掠在赤眉軍

中赤眉者鄆邪人樊崇起兵于莒眾數萬人皆赤其眉以相識以名為羣賊乃奉盆子為帝改元建世攻

入長安殺更始轉掠郡邑發掘諸陵盡取其寶玩遂汚辱呂后尸僭位一年至宜陽降光武光武乃大陳

兵臨洛水令盆子君臣列觀之因顧謂崇等曰得無悔降乎朕今且遣卿歸營勒兵鳴鼓相攻以決勝負

不欲強相攝也崇等叩頭曰今日得降猶去虎口歸慈母誠謹誠喜無所恨帝曰卿所謂鐵中錚錚傭中

佼佼者也遂以盆子為趙王郎中後病失明賜滎陽地稅食終身

邯鄲

王昌一名郎邯鄲人工星卜常云河北有天子氣詐稱已乃成帝子真子輿更始元年趙國大豪李

育劉林等信之聚眾入邯鄲立郎為天子移檄遠近莫不響應僭位五月光武滅之

淮南

李憲許昌人莽時爲廬江屬令莽敗陳郡自守自稱淮南王尋自立爲天子置公卿百官僭位六年

光武遣馬

成滅之

西平

盧芳安定人莽時詐稱武帝曾孫與羌胡起兵更始徵爲騎都尉使鎮撫安定以西更始敗自立爲

西平王與匈奴和親匈奴立爲漢帝僭位十二年後降光武封爲代王復叛入匈奴而死

梁

劉永睢陽人梁孝王之後更始元年起兵自稱天子專據東方光武使蓋延斬之子紆復自立爲梁王敗

奔董憲憲敗

爲軍士所殺

張步鄆邪人更始元年起兵據郡劉永拜爲輔漢大

將軍光武遣伏隆拜步東萊太守永聞隆至先立步

爲齊王步遂不受命永死于紆立步乃立其將費邑

爲濟南王光武遣耿弇伐之斬費邑步遂降後復叛

逃陳俊

追斬之

崔憲東漢人更始元年起兵據郡劉永拜為翼漢大將軍又立為海西王永死光武伐之敗亡
龐萌山陽人更始立為冀州牧後降光武為平狄將軍復叛與董憲連和自號東平王光武遣吳漢滅之
成公孫述茂陵人莽時為蜀郡太守更始立許稱輔漢將軍攻據成都自立為蜀王建武元年簡稱成帝改
元隆興盡有益州之地凡十二年先是述夢人語之曰八公子系十二為期覺謂其妻曰雖貴而祚短奈何妻荅曰朝聞道夕死可矣果十二年光武遣吳漢滅之○初述徵廣漢李業業不就述使人劫以毒酒業嘆曰古人危邦不人亂邦不居為此故也遂飲毒死又聘巴蜀譙元元不詣亦以毒藥之元曰保志全高死亦何恨遂受毒藥元子瑛奉錢千萬以贖父死許之又徵蜀郡王皓王嘉恐其不至先繫其妻子皓嘉皆自殺慙為費貽不肯仕述漆身為瘡陽狂以避之同郡任永馮信俱託青盲以辭徵命光武既平蜀元已卒祠以中牢勅所在還其家錢而表業問徵貽永信會永信卒貽仕至合浦太守

寧朔

號自虎將軍更始時起兵立漢宗廟改元漢復自

西州上將軍等上書詣闕遣子恂入侍徵使討蜀

持兩端光武討之降公孫述封為寧朔王光武親征

凡三年囂死諸將立少子

純為王明年來欽等滅之

楚

秦豐黎丘人更始時據黎丘自號楚黎王僭位三年

光武遣岑彭滅之。延岑南陽人與秦豐合兵豐以

女妻之豐敗降述述以岑為大司馬封汝寧王述敗

降于吳漢漢族滅之。田戎汝南人豐亦以女妻之

豐敗降述述封為

燕

彭寵宛人西漢末為郡吏光武拜為漁陽太守建武

三年負功失望與朱浮不相能遂據薊州反自稱燕

王僭位三年其奴子密縛寵令作記出城取馬

六匹裝金王衣物斬寵首來降封為不義侯

冀州

袁紹字本初大尉袁安之後自號車騎將軍屯河

內初平元年象推為盟主各曰為冀州牧兼領四

少子譚熙尚道命立少子尚兄

弟相攻凡十八年曹操滅之

壽春袁術字公路紹之從弟以俠氣聞為虎賁中郎將董卓廢少帝術奔南陽遂據其郡建安二年稱仲

家都壽春凡十一年

曹操攻之發病道死

益州

劉焉魯恭王之後為益州牧因人言蜀有天子氣

嗣共廿七年降于昭烈○張魯與漢中張魯合兵殺太守作乘輿後徙成都子瑋

先降于曹操其地并歸昭烈

荊州

劉表字景升為荊州牧不修職貢僭擬乘輿子琮嗣共十九年降于曹操

兖州

呂布字奉先建安元年襲取下邳稱徐州牧二年為左將軍三年曹操殺之凡五年

薊州

公孫瓚遼西人攻幽州殺劉虞據其地因恃財力不恤民命建安四年袁紹攻之自焚而死凡九年

遼

公孫度元菟人自立為遼東侯孫子淵復自稱燕王司馬懿滅之共四十九年

史記

楚元王

高祖兄弟四人，兄伯早卒，其嫂在高祖微時，常辟事。時時與賓客過，巨嫂食，嫂厭叔。一日叔與客來，嫂佯為羹盡，櫟釜客去，已視釜中尚有羹。高祖以是厭其嫂，反即位，盡封諸昆弟，而伯子獨不封。太上為言，高祖曰：「某非忘之，為其母不長者，于是乃封其子，信為羹，顏侯，誌櫟釜也。」

蕭相國

漢王與項羽相距京索間，上數使使勞苦丞相，鮑生謂丞相曰：「上暴露露蓋，數使使勞苦君者，疑君也。為君計，莫若盡遣君子孫昆弟，能勝兵者，悉詣君所，上必益信君。何從其言？」上大悅。淮陰侯既誅，上使使益封何五千戶，令卒五百人，一都尉為相國衛。諸君皆賀，召平獨吊，曰：「禍自此始矣。」上暴露于外，君居守，非被矢石而益君封置衛，心疑君也。置衛衛君，非以寵君也，願亟讓封勿受，而悉出私財佐軍，以釋上疑。相國如其言，上大悅。

召平者故秦東陵侯秦破爲布衣種瓜于長安城東
瓜美世後謂東陵瓜從召平以爲名也上之自將擊
黥布也數使使問相國何爲時何爲上在軍獨拊循百
姓悉所有佐軍客說相國曰君族滅不久矣夫君位相
國功第一可復加哉君初入關得百姓心十餘年矣常
復孳孳務得民和上所爲數問君畏君傾動關中也君
何不多買田宅賤貰貨以自汙相國復如言上大悅

淮陰侯

韓信始爲布衣時貧無行不得推擇爲吏又不能治生
商賈嘗從其下鄉南昌亭長寄食數月亭長妻患之乃
晨炊蓐食食時信往不爲具食信亦知其意怒竟絕去
釣于城下諸母漂有一母見信饑飯信竟漂數十日信
喜謂母曰吾必重報母母怒曰大丈夫不能自食吾哀
王孫而進食豈望報乎淮陰屠中少年有侮信者曰若
雖長大好帶刀劍中情怯耳衆辱之曰信能死刺我不
能死出我袴下于是信熟視之俛出袴下蒲伏一市人
皆笑信以爲怯後佐漢定天下封楚王之國召漂母賜
千金召亭長賜百錢曰公小人也爲德不卒召辱已少

年以爲楚中尉曰此壯士也方辱我時我寧不能殺之殺之無名故忍而就于此信之初歸漢也未知名爲連敖坐法當斬其輩三十人皆已斬次至信信乃仰視適見滕公曰上不欲就天下乎何爲斬壯士滕公奇之釋不斬言于上上猶未之奇也聞與蕭何語何奇之會上入蜀諸將道亡者數十人信意上不用亦亡何聞信亡不及聞自追之入言丞相何亡上大怒如失左右手居二日何來謁上上且喜且罵何曰臣不亡追亡者信上復罵曰諸將亡以十數公無所追追信詐也何曰諸將易得耳至如信者國士無雙上計必欲東非信無可與共功者顧能用信信留不能信終亡耳上曰吾爲公以爲將何曰雖爲將信必不留上曰以爲大將何曰幸甚于是上卽召信拜何曰此乃信之所以亡也上素慢無禮今拜大將如呼小兒此乃信所以亡也上必欲拜之請擇良日齋戒設壇場具禮乃可上許之于是乃拜當是時一軍皆驚

留侯

張良年十二時秦滅韓良以五世相韓故悉散家財圖

爲韓報仇東見倉海君得力士爲鐵椎重百二十觔會
始皇東遊良與客狙擊始皇于博浪沙中誤中副車始
皇大怒大索天下求賊甚急而不得遂變姓名匿卜肆
嘗步遊圯上有一老父衣褐至良所直墮其履圯下顧
謂良曰孺子下取履良愕然欲歐之爲其老強忍下取
履父曰履我良業爲取履因長跪履之父以足受笑而
去良殊大驚目之父去里許復還曰孺子可教後五日
平明與我會此良惟之跪曰諾五日平明良往父已先
在怒曰與老人期後何也去後五日早來五日雞鳴良
往父又先在復怒曰後何也去後五日復早來五日良
夜未半往有頃父來喜曰當如是出一編書曰讀此則
爲王者師矣後十年興十三年孺子見我濟北穀城山
黃石卽我矣遂去無他言忽不見良旦日視書則太
公兵法也良異之因習誦之竟以其術佐漢定天下其
後十三年從高祖過濟北果見穀城山下黃石取而葆
祠之及良卒塋黃石冢

陳丞相

平少貧好讀書與兄伯居有田三十畝伯耕田縱平遊

學平長而美色。或謂曰：「若貧何食而肥？」若是。嫂嫉平。漫應曰：「亦食糠覈耳。」伯聞爲逐其婦。及平長。可娶妻富人。莫肯與貧者。平亦恥之。久之富人張負者有女孫五嫁而夫輒死。人莫敢娶。平欲得之。平嘗爲邑人侍喪。以先往。後罷爲助。負見之。喪所獨偉。平陰隨平覘其家。家乃負郭窮巷。敝席爲門。然門外多長者車轍。負歸謂其子曰：「吾欲以女孫予陳平。其子恥之。負曰：『人固有美好如陳平而長貧賤者乎？』卒與女。平旣娶張女。齋用益饒。遊道日廣。里中社。平爲宰。分肉食甚均。父老口善。陳孺子之爲宰。平曰：「嗟乎！使平得宰天下。亦如是肉矣。」

酈生

酈生食其高陽人。好讀書。家貧落魄。稱狂生。沛公過陳留。生踵軍門上謁。使者曰：「沛公不好儒。諸客冠儒冠來者。公輒解其冠。漈溺其中。與言嘗大罵。未可以儒生說也。」生曰：「第言之。吾非儒生。」高陽酒徒也。使者乃入通公。公召生。至則公方踞牀。使兩女子洗足。生入。長揖不拜。曰：「足下必欲誅無道秦。不宜倨見長者。」公乃腰洗起。攝衣延生上坐。謝生遂以下陳留。據積粟之策進。沛公大

世已復爲漢誦齊下齊王廣以生賣已謂曰若能止漢兵吾姑若不以烹若
生曰舉大事不細謹盛德不辭讓廼公不爲苦更言王
竟烹酈生

陸賈

陸生時時前說稱詩書高祖罵之曰乃公居馬上而得
之安事詩書陸生曰居馬上得之寧可以馬上治之乎
且湯武逆取而以順守之文武並用長久之術也昔者
吳王夫差智伯極武而亡秦任刑法不變卒滅趙氏鄉
使秦已并天下行仁義法先聖陛下安得而有之高帝
不憚而有慚色乃謂陸生曰試爲我著秦所以失天下
吾所以得之者何及古成敗之國陸生乃粗述存亡之
徵凡著十二篇每奏一篇高祖未嘗不稱善

曹相國

曹參始徵時與蕭何善及爲將相有卻至何且死所推
賢惟參參代何爲漢相國舉事無所變更一遵蕭何約
束擇郡國吏木訥于文辭重厚長者卽召除爲丞相吏
吏之言文刻深欲務聲名者輒斥去之日夜飲醇酒卿

大夫以下吏及賓客見參不事事來者皆欲有言至者
參輒飲以醇酒間之欲有所言復飲之醉而後去終莫
得開說以爲常百姓歌之曰蕭何爲法顚若畫一曹參
代之守而勿失載其清淨民以寧一

絳侯

文帝嘗備胡使將軍劉禮軍霸上徐厲次棘門周亞夫
次細柳亞夫勃子也上自勞軍先至霸上棘門軍直馳
入將以下騎出入送迎已之細柳天子先驅至不得入
先驅曰天子且至軍門都尉曰軍中聞將軍令不聞天
子詔有項上至又不得入于是上使使持節詔將軍曰
朕欲勞軍亞夫乃傳言開壁門壁門士請曰將軍約軍
中不得馳驅于是天子乃按轡徐行至中營亞夫揖曰
介冑之上不拜請以軍禮見天子爲改容式車使人稱
謝皇帝敬勞將軍成禮而去是時羣臣皆驚帝喟然曰
嗟乎此真將軍矣鄉者霸上棘門直見戲耳其將固可
襲而虜也

鄧通

文帝時鄧通以濯船爲黃頭郎帝嘗夢欲上天不能有

黃頭郎從後推之得上顧見其衣綻帶後窅覺而之
漸臺以夢中陰求推者郎見通其衣果後穿也因召問
姓名幸之特異賞賜巨萬上嘗使善相者相通曰當貧
餓死上曰能富通者我即賜通銅山得自鑄錢于是鄧
氏富敵國其後景帝嗣素不喜通有告通盜出外徵外
鑄錢者下吏按問遂盡沒入通竟寄死人家

李少君

武帝卽位之明年李少君以祀竈穀食卻老方見少君
者故深澤侯舍人能使物善爲巧發奇中嘗從武安侯
飲坐中有九十餘老人少君乃言與其大父遊射處老
人爲兒時從其大父識其處一坐盡驚少君見上上有
故銅器問少君少君曰此器齊桓公十年陳于桓寢已
而按其刻果桓公器一宮盡駭以爲少君數百歲人也
嘗言遊海上見安期生安期生食巨棗如瓜其荒誕類
此未幾病死而天子獨以爲化去

卜式

武帝方遣將擊匈奴河南人卜式上言願輸家之半助
邊天子使使問式欲官乎式曰臣少牧不習宦有冤欲

言乎。式曰：臣生與人無爭，然則何欲而然？式曰：天子誅
匈奴，臣以為賢者宜死節于邊，有財者宜輸委。如此而
匈奴可滅也。使者還報，天子以問丞相。丞相弘曰：非人
情，罷去之。會軍數出，縣官費空。明年貧民大徙，式乃持
錢廿萬與河南守給徙民。河南上富人助貧人者籍。天
子見卜式名，識之，曰：是固前欲輸其家半助邊者也。于
是天子謂式長者，欲尊顯之，以風百姓。式初不願為
郎，上曰：吾有羊上林中，欲令子牧之。式乃拜郎，布衣赍
而牧歲餘，羊肥息，上過見其羊，善之。式曰：非獨羊也，治
民亦猶是。以時起居，惡者輒斥去，毋令敗羣。上奇之，拜
緱氏令。尋遷成臯令。是時天子方發樓船卒二十餘萬，
擊南越。式上言：臣聞主憂臣辱，南越反，臣願父子與齊
習船者往死之。天子下詔曰：卜式雖躬耕牧，不以爲利，
有餘輒助縣官。今天下不幸有急，而式奮願父子死之，
雖未戰，可謂義形于內。其賜爵關內侯，桑弘羊時方領
大農，置平準，令吏坐市列肆，販物求利。會大旱，上所雨
于是卜式上言曰：烹弘羊，天乃雨。

李廣

廣嘗出獵見草中石以爲虎也射之而中石沒鏃還視之石也因復更射之終不能復入石所居郡有虎嘗自射之及居右北平射虎虎騰傷廣廣亦竟射殺虎廣爲人長猿臂其善射亦天性也其子孫他人學者卒莫能及

司馬相如

相如成都人少好讀書學擊劍其親名之曰太子因慕藺相如之爲人更名相如嘗客臨邛臨邛富人卓王孫女文君新寡相如以琴心挑之文君奔相如相如乃與馳歸家居徒四壁立卓王孫大怒不分一錢文君久之不樂相如乃復如臨邛盡賣其車騎買一酒舍酤酒而令文君當壚身自著犢鼻褌與庸保雜作滌器市中王孫聞而恥之爲杜門不出其昆弟諸公力勸王孫不得已乃分予文君僮百人錢百萬于是相如復歸成都買田宅爲富人後以子虛賦干上爲上通西南夷拜中郎將馳傳之蜀蜀太守以下郊迎縣令負弩矢先驅蜀人榮之于是臨邛諸公皆因門下獻牛酒爲交懽王孫謂然嘆自以得使女尚相如晚而厚分其女財與子男等

漢書

李夫人

武帝時李夫人最寵而早卒疾將革上自臨視之夫人蒙被謝曰妾久病形貌毀壞不可見帝願以兄弟爲託上曰夫人病甚殆將不起一見我託兄弟不亦可乎夫人再辭上曰夫人弟一見我將加賜千金而予兄弟尊官夫人曰尊官在帝不在一見上復言必見之夫人遂轉嚮歔歔不復言上不悅起夫人姊姁皆讓之夫人曰所以不見帝正以深託兄弟也夫以色事人者色衰而愛弛愛弛則恩絕上見我色非故必畏惡吐棄尙肯追思憫錄兄弟哉及卒上果悼念不已以后禮葬又令齊人少翁以術致其神夜張燈燭設帷帳陳酒肴而上居他帳遙望見好女如夫人貌者婉步帳中又不得就視上愈益相思悲感爲作詩云是耶非耶立而望之偏何姁姁其來遲又爲作賦其兄弟賡利延年俱賜封爵

汲黯鄭當時

鄭當時始與汲黯並列九卿兩人內行修迨中廢家貧

賓客益落先是下邳翟公爲廷尉賓客填門及廢門外可設雀羅後復爲廷尉客復欲往翟公大署其門曰一死一生乃知交情一貧一富乃知交態一貴一賤交情乃見

朱買臣

買臣字翁子家貧嗜書不治產業嘗艾薪樵賣以給食擔束薪且行且歌其妻亦負戴相隨數止買臣毋歌道中買臣歌益疾妻羞之求去買臣笑曰我年五十當富貴今四十餘矣汝姑待我妻恚怒曰如公等終餓死耳何富貴買臣不能留聽之去後買臣獨行歌道中故妻與夫俱上塚見買臣飢寒呼飯飯之已而買臣貴爲會稽太守乘傳入吳界見其故妻夫治道買臣駐車呼令後車載其夫妻到太守舍置園中給食之居一月妻自經死

東方朔

武帝嘗於伏日詔賜從官肉大官丞日晏不來朔獨拔劍剖肉謂同官曰伏日當早歸請受賜卽懷肉去已而大官奏之朔入免冠謝上曰賜肉不待詔以劍剖而去

之何也。且起自責。朔再拜曰。朔來朔來。受賜不待詔。何無禮也。拔劍割肉。一何壯也。割之不多。又何廉也。歸遺細君。又何仁也。上笑曰。使若自責。乃反自譽。復賜酒一石。肉百斤。令歸遺細君。帝姑館陶公主。年五十餘。近幸董偃。偃本賣珠兒。以妓好得幸。人號爲董君。主令偃散財交士。令府中曰。董君所發。一日金不滿百斤。錢百萬。帛千疋。勿白。上一日臨主家。主道人登階就坐。坐未定。上曰。願謁主人翁。主乃下殿去簪珥。徒跣頓首謝。無狀。有詔謝主。主乃起之東廂。自引董君。董君綠幘傳鞞。隨主前伏殿下。因叩頭謝。上爲之起。詔衣冠。上復乃起。就衣冠。主自奉食進觴。當是時。上不名董君。稱爲主人翁。飲大懽樂。而朔時方陛戟殿下。辟戟前曰。董偃有斬罪三。因歷數之。上默然。董君自是不復振。

于定國

于公者。定國父也。爲郡曹決獄平。東海有孝婦。少寡無子。養姑甚謹。姑欲嫁之。終不肯。姑謂隣人曰。孝婦以我故守寡。我老久累丁壯。奈何。姑后徑自經死。姑女告吏。婦殺我母。吏捕孝婦。孝婦不服。笞掠之。誣服。具獄。上有

疾去太守竟論殺孝婦郡中枯旱三年後太守至筮其
故于公曰孝婦不當死冤死咎在是乎于是太守殺牛
自祭孝婦塚表其墓天立大雨歲熟郡中以此大重于
公爲生立祠于公閭門壤父老方共治之公謂曰幸高
大閭門令容駟馬高蓋我治獄多陰德子孫必有興者
其子定國卒爲丞相孫承御史大夫封侯傳世

韓延壽

延壽爲東郡時嘗出騎吏一人後至勅功曹議罰其府
門卒忽當車願有言延壽問之卒曰孝經云資于事父
以事君而敬同故母取其愛而君取其敬兼之者父也
今早明府駕出適騎吏父來至府門騎吏見父趨謁適
明府登車以敬父而見罰得毋虧大化延壽舉手曰微
子太守幾不明過及歸舍召見門卒卒本諸生也聞延
壽賢無因自達故代卒對延壽遂薦拔之

張敞

敞爲京兆甚有名然無威儀時罷朝會過走馬章臺街
使御步驅自以便面批馬又嘗爲婦畫眉長安中傳張

京兆眉撫上召問敞對曰臣聞閨房之內夫婦之私有過于畫眉者上笑而置之

王尊

尊爲安定太守以強幹著遷益州刺史先是瑯邪王陽爲益州刺史行部至邛郯九折阪嘆曰奉先人遺體奈何數乘險尋謝病去及尊至阪問吏曰此非王陽所畏道耶吏對曰然尊叱其馭曰驅之王陽爲孝子王尊爲忠臣後爲東郡太守適河水溢浸匏子金堤堤且壞尊率吏民禱河伯請以身填金隄因止宿隄舍水至不去吏民爭叩頭請尊不許時惟一主簿旁立泣不敢對而水波爲之卻廻

陳遵

遵故好客家常率多燕會每大飲賓客滿堂輒開門取客車轄投井中雖有急終不得去有部刺史奏事以便過遵值其方飲刺史大窮突人見遵母叩頭求去母乃令從后閣出遵父遂與宣帝微時有故相隨博奕數負進及卽位擢遂大原太守賜璽書曰太原太守官尊祿厚可以賞專進矣遂表辭謝曰吾在元平元年故合

前其容佚如此

王章

章爲諸生時獨與妻居疾病無被臥牛衣中與妻訣涕泣其妻呵之曰仲卿今京師尊貴人誰踰仲卿者小困厄不自激昂乃涕泣何鄙也元帝時章歷位京兆欲上封事黜王鳳妻止之曰人當知止獨不念牛衣中涕泣時耶章曰是非女子所知書上忤旨下廷尉論決

張禹

禹代王商爲相六年封安昌侯前後賞賜數千萬知音律習淫奢身居大第後堂時理絲竹其所成就弟子尤著者彭宣戴崇宣至大司空崇至九卿宣恭儉有法而崇豈弟多知禹心愛崇陽敬宣而疏之崇每候禹禹延入後堂燕飲婦女相對優人箎絃鏗鏘極樂昏夜乃罷而宣之來也禹則見之便坐爲講論經義日宴賜食不之一肉卮酒相對而已未嘗得至後堂然兩人互聞之各自得也

杜欽

杜欽字子夏好詩書而目偏盲時茂陵杜業與欽同姓

字亦以才著京師人遂謂欽育杜子夏以相別欽心惡之乃故冠小冠高廣才二寸許由是京師人更謂欽小冠杜子夏而謂業大冠杜子夏

嚴君平

君平蜀人修身自保非其食不食非其服不服但卜筮于成都市謂卜筮賤業而可以惠衆人有邪惡則借筮龜爲正言利害與人子言依于孝與人弟言依于順與人臣言依于忠各因勢導之于善裁日閱數人得百錢足自養卽閉肆下簾而受老子依老子莊周之學著書十萬餘言年九十餘竟以其業終楊雄從之遊學

王莽

莽字巨君元后弟曼子也元成時王氏九侯五大司馬其子弟皆怙勢侈靡而莽獨折節爲恭儉勤身博學被服如儒生外交英俊內事諸父諸母俱曲有禮世父鳳病莽親嘗藥至鬢首垢面不解衣帶者累月鳳因托太后及帝拜新都侯莽既貴節操愈謙盡散其輿馬衣裘振施賓客交結權近爲延譽譽遂傾其諸父尤好爲激發之行莽兄早死有子光莽令與已子字同學光年小

子字莽爲同曰內婦嘗私買侍婢兄弟或頗聞知莽輒
曰后將軍朱子元無子莽聞此兒種宜子爲買之卽口
以婢奉子元其匿情求名多類此莽旣篡盜賊蜂起
匈奴寇邊乃博募有奇技術可攻匈奴者將待以不次
之位子是言便宜者以萬數或言能渡水不用舟楫連
馬接騎濟百萬師或言不持斗糧服食藥物三軍不饑
或言能飛一日千里以窺匈奴莽輒試能飛者取大鳥
翮爲兩翼頭與身皆著毛通引環紐飛數百步墮莽知
不可用然欲獲其名皆拜爲理軍賜車馬待發時連
率韓博士上言有奇士長丈大十圍來至臣府欲奮擊
胡虜自謂臣無霸輜車不能載三軍不能勝臣卽日以
大車四馬建虎旗載霸詣闕獻臥則枕鼓食則鐵箸此
皇天所以輔新室也願陛下作大甲高車賁育之衣遣
大將一人與虎賁百人迎之于道京師門戶不容者開
高大之用以視百蠻鎮天下莽字巨心惡之乃更其姓
曰巨母氏謂因文母太后而致霸王也莽侈口蹙頰
露眼赤睛大聲而嘯長七尺五寸好厚履高冠以鼉裝
衣反膺高視瞰臨左右是時有用方技待詔黃門者或

問以莽形狀待詔曰莽所謂鴟目虎吻豺狼之聲者也
能食人亦當爲人所食聞者告之莽誅滅待詔而封告
者自後嘗翳雲母屏面非親近莫得見

揚雄

雄于書無所不博覽爲人簡易佚蕩口吃不能劇談默
而好深湛之思心慕司馬相如每作賦輒擬之又恠屈
原文過相如至不容作離騷自投江死悲其文讀之未
嘗不流涕以爲君子不得時則龍蛇何必湛身乃作書
往往撫離騷文而反之自岷山投諸江流以吊屈原名
曰反離騷又旁離騷作重一篇名曰廣騷又旁指讀以
下至懷沙一卷名曰畔牢愁其他太元法言諸著作甚
富當時人皆智之獨桓譚以爲絕倫劉歆敬焉然歆嘗
讀之謂雄曰空自苦今人尙不能明易又知元何吾恐
後人用覆瓿也雄笑而不應王莽莽以符命自立
欲絕其原以神前事而劉歆子棻復獻之莽怒投棻囚
爵詞連及雄雄方校書天祿閣治獄使者來收雄雄乃
從閣上自投下幾死請其故則棻嘗從雄學作奇字也
有詔勿問京師語曰惟寂寞自投閣爰清靜作符命

後漢書

馮異

異字公孫，自歸光武，特見親任。王郎起，帝自薊東南馳，晨夜草舍，至饒陽蕪蕪亭，會大寒，烈士衆饑疲。異上豆粥，明旦，帝謂諸將曰：「昨得公孫豆粥，饑寒俱解。」已至南宮，遇大風雨，帝引車入道旁空舍，異抱薪鄧禹，爇火，帝對竈燎衣，異復進麥飯，克肩。因渡滹沱河，後天下既定，位大將，爵通侯。朝見京師，帝遣中黃門賜珍寶金帛甚盛。詔曰：「倉卒蕪蕪亭豆粥，滹沱河麥飯，厚意久不報，異頓首謝，異謙慎不伐，每諸將論功，異輒獨屏樹下，軍中號曰大樹將軍。」

鄧禹

禹年十三，遊學京師，時光武亦遊學京師，禹雖年少，而能識帝非常人，遂相親附。更始兵起，豪傑多薦禹，禹不肯往。及聞帝安集河北，乃杖策北渡，追及鄴。帝見之甚歡，遂令常宿止中，與大計天下。既定，封高密侯。禹意欲遠名勢，有子十三人，使各占一藝。

祭遵

建武初，涿郡太守張豐舉兵反，遵討平之。豐初好方術，有道士言豐當爲天子，以五絲囊裹石繫豐肘，云石中有玉璽，豐信之，遂反。及既執，當斬，猶曰：「肘石有玉璽。」遵爲椎破之，豐始知被詐，仰嘆曰：「當死無恨，先是中山賊張滿亦以讖當土屯，結險隘爲害，遵亦生擒之，既破，嘆曰：『讖文悞我。』」

鄧晨

晨，光武姊夫也。莽末，晨嘗與帝俱之宛，燕語穰人蔡少公家。少公頗學圖讖，言劉秀當作天子，或曰：「是國師公劉秀耶？」帝戲曰：「何用知非僕坐者？」大笑。晨獨心喜，已帝卽位，晨數讖見，說生平甚懽，因從容謂帝曰：「何知非僕僕乃竟辦此？」帝大笑。

陰識

宣帝時，陰子方者，至孝，有仁恩。臘月晨炊，而竈神形見，子方再拜受慶。家有黃羊，因以祀之，自是暴富。子方嘗言：「我子孫必有興者。」至識三世，遂繁昌，于是後世相傳以臘日祀竈而薦黃羊，自子方始。

宋弘

湖陽公主新寡光武與之共論朝臣微觀其意主曰宋弘威容德器羣臣莫及帝曰方且圖之尋召弘謂曰諺云貴易交富易妻人情乎弘對曰臣聞貧賤之交不可忘糟糠之妻不下堂帝顧謂主曰事不諧矣

宋均

均爲九江太守郡多虎暴前吏募設檻穽而害愈滋均到下記屬縣曰江淮之有猛獸猶北土之有雞豚也虎爲民害咎在殘吏勤勞張捕非優恤之本其務退貪殘進忠善悉去檻穽除削課制未幾虎相與東去渡江中元中楚沛多蝗其飛至九江界者輒東西散去

明德皇后

明德皇后伏波將軍馬援小女身長七尺二寸方口美髮能誦易好讀春秋楚辭尤善周官董仲舒書常衣大練裙不加緣朔望諸姬主朝請望見后衣疏粗反以爲綺穀就視乃笑后辭曰此繒特宜染色故用之耳明帝幸濯龍園諸才人已下皆在側諸呼皇后帝笑曰是家志不好樂雖來無懽及帝崩章帝卽位尊爲皇太后建

漢書

卅九

石

初元年欲封爵諸舅太后不聽明年大旱言事者以爲
不封外戚故太后固不許帝復重請太后報曰夫至孝
之行安親爲上今數遭災異穀價數倍憂惶晝夜不安
坐臥而欲先營外封違慈母之拳拳乎吾素剛急有胸
中氣不可不順也若陰陽調和邊境清靜然後行子之
志吾但當含飴弄孫不能復關政矣乃置織室蠶于濯
龍中數往觀視以爲娛樂常與帝旦夕言道政事及教
授諸小王論語述叙平生雍和終日四年寢疾不信巫
祝卜醫數勅絕禱祀至六月崩合塋顯節陵

班彪

彪字叔皮才高而好述作專精史籍作後傳數十篇斟酌
前史而譏正其得失有二子一女長子固續述父志
與漢書百卷次子超奉使西域以三十六人定五十餘
國女昭爲曹壽妻號曹大家尤工典籍召入後宮后妃
公主咸祇師訓所著列女傳諸書永作閨範蓋彪一門
文擅千秋武雄絕域男作奇男子女爲女丈夫其曠代
無兩云

鍾離意

甕問孔訢云此何甕對曰夫子甕也背有丹書人莫敢發意曰聖人意欲以懸示後人耳發之得素書云修吾書輩仲舒護吾車拭吾履發吾筒會稽鍾離意

范式

式字巨卿少遊太學與汝南張劭友甚暱劭字元伯適歸里式謂元伯曰後二年當還將過拜尊親見孺子爲共尅期日已而期至元伯白母請具膳母曰二年之別于里結言爾何信之審劭曰巨卿信士必不食諾其日果至升堂拜母劇飲懽別劭後疾將革同郡郗君章殷子徵晨夜省視之劭嘆口恨不見我死友子徵曰我二人非死友耶劭曰二子吾生友山陽范巨卿卽我死友也尋卒式時仕爲郡功曹夕忽夢元伯元冕垂纓冠屣而呼曰巨卿我以某日死當以某日塋子未我忘豈能相及式寤恍然悲淒泣下卽日辭太守服朋友服投其墓日馳往時未及到而劭墓已發引旣至塋將寢輒忽不進其母撫之曰元伯豈有望耶爲停移時見有素車白馬號哭來者母望之曰是必范巨卿也巨卿至叩

柩言曰行矣元伯死生異路永從此辭時會葬者千人盡揮涕式執紼引柩柩乃前式至冢次爲手植樹而後去

李善

善李元家蒼頭元家屬以疾疫相繼死惟孤兒續始生數旬元家貲巨萬羣婢刊其財將謀殺續善力不能制潛負續逃隱瑕丘界中親自哺養乳爲生連續年十歲乃攜歸訟之縣盡理舊業還之悉罪諸謀續者時鍾離意上其狀累遷日南太守之官道經李元冢未至一里即更服至則親持鉏去草拜掃成禮哭泣甚悲曰君夫人善在此徘徊數日而去

王喬

王喬爲葉令每月朔望常自縣詣臺朝帝怪其來數而不見車騎令太史伺之言喬來他無有唯雙鳧從東南飛至于是候鳧至舉羅張之但得一雙鳧詔上方診視則四年中所賜尚書官屬履也每當朝日葉門下鼓不擊自鳴行于京師其後天忽下一玉棺喬曰天帝召我遂沐浴更服寢其中葬于城東上自起成墳其女縣中

牛聲或曰卽古仙人王子喬也。

費長房

長房汝南人。曾爲市掾。市中有老翁賣藥。獨懸一壺。市罷輒跳入壺中。市人莫見。惟長房見之。異焉。因往拜。翁知長房意。謂曰。子明日更來。長房如期往。翁乃與俱入壺中。惟見玉堂嚴麗。旨酒甘味。盈其中。共飲畢而出。長房遂欲從之求道。顧家人爲憂。翁乃斷一青竹。與長房身齊。使懸之舍。家人見之。乃長房身也。以爲繼死。驚號殯之。長房時立其旁而莫之見。于是遂隨翁入深山。已而長房辭歸。翁與一竹杖曰。騎此任所之。自至矣。既至。共投杖葛陂中。又授一符曰。以主地上鬼神。長房遂乘杖歸。未幾至。自謂去家若旬日而已。十年餘矣。投杖陂中。顧之。龍也。家人謂已死。不信。長房曰。往所葬。乃竹杖耳。發冢視之。果竹杖。自是遂能鞭笞百鬼。驅使社公。嘗獨坐恚怒。人問之曰。吾責鬼魅之犯法者。又嘗飯客而市餅于宛。須臾立辨。一日問人常見其在千里外云。

姜詩妻

詩事母至孝妻盛氏事姑尤嚴姑好飲江水去舍六七里妻嘗沂流而汲一日值風不時還母渴怒詩卽遣妻盛寄止隣舍晝夜紡績市珍羞使隣母以意自遺其姑如是者久之姑恠問隣母隣母具對姑感乃召還其子以遠汲溺死盛恐姑哀默不洩託言遊學姑嗜魚又不能獨食天婦力作以給呼隣母共之其後舍側忽湧泉味如江水每旦輒出雙鯉足供膳赤眉賊每過詩里必相戒勿驚大孝明帝時徵拜江陽令

樂羊子妻

羊子嘗行路拾遺金一餅還以語妻妻曰志士不飲盜泉廉士不食嗟來况拾遺金乎羊子大慚卽捐之野羊子遊學一年而歸妻問故羊子曰久客懷思耳妻乃引刀起機而言曰此織自一絲而累寸寸而累丈丈而累疋今若斷斯機也前功盡損矣學廢半途何以異是羊子感其言七年不返妻事姑孝有盜欲犯之先劫其姑妻急操刀出盜曰釋女刀從我者姑全不則殺女姑妻乃仰天嘆舉刀自刎以全姑太守奇之號曰貞義

鄧訓

訓禹之子章和中嘗爲護羌校尉一以恩信招懷遠人
遠人皆稽顙歸命羌俗恥病死每病困輒以刃自刺訓
令病困者務拘持束縛不與兵刃醫藥療之活者甚衆
訓以病卒官羌人曰數千旦夕臨羌俗父母死恥悲泣
皆騎馬歌呼及聞訓卒莫不號咷或以刀自割又刺殺
其牛羊犬馬曰鄧使君死我曹何用生爲肖像尸祝每
病輒請禱焉

梁鴻

鴻字伯鸞家貧尚節介鄉里高其誼多欲妻之鴻並不
許同縣孟氏有女狀肥醜而黑力舉石曰擇對不嫁至
年三十父母問之曰欲得賢如梁伯鸞者鴻聞而聘之
女求作布衣麻履織作筐績之具及嫁始以裝飾入門
七日而鴻不荅妻乃跪床下請曰竊聞夫子高義簡斥
數婦妾亦偃蹇數夫矣今見擇敢不請罪鴻曰吾欲得
人可與俱隱者耳衣綺縞傅粉墨豈鴻願哉妻曰以試
君耳妾自有隱服乃更爲椎髻著布衣操作而前鴻大
喜曰此真梁鴻妻也字之曰德曜名孟光遂共入霸陵
山耕織自食詠詩彈琴以自娛肅宗聞而求之鴻乃易

姓運期名耀字侯光攜妻子居齊魯間已復之吳依大
家臯伯通居廡下爲人賃舂每歸妻爲具食不敢于鴻
前仰視舉案齊眉伯通異之乃舍之家鴻潛閉門著書
十餘篇已而病困告主人曰昔延陵季子葬于贏博之
間慎勿令我子持喪歸也及卒伯通葬之吳要離冢旁
謂其清詎相匹云

蔡倫

倫字敬仲和帝時爲中常侍有文學能犯嚴顏匡得失
每休沐輒閉門謝客尤有巧思監作祕劍及諸器物皆
可爲世法自古書契多編于竹簡其用縑帛者謂之爲
紙縑貴而簡重竝不便于人倫獨出已意用樹膚麻頭
及敝布魚網以製爲紙奏上之帝善其能自是莫不從
用焉天下咸稱爲蔡侯紙

楊震

震父寶年九歲時偶行華陰山北見一黃雀爲鵲所
搏墜于樹下螻蟻困之寶取歸置巾箱中啖以黃花百
餘日毛羽成縱使飛去其夜夢一黃衣童子向寶再拜
曰我西王母使者感君愛護特獻白環四枚合君子孫

潔白位登三事當如此環自履後累世以清白貴顯

蘇章

章為冀州刺史有故人為清河太守多姦贓章行部至將案之乃請太守為設酒肴叙生平甚懽太守喜曰人皆有一天吾獨有二天章曰今夕蘇文儒與故人飲私恩也明日冀州刺史案事公法也徑正其罪郡吏肅清

吳雄

雄家貧喪母營葬于人所棄地喪事趣辦不問時日有言當族滅者雄亦不顧然自雄始三世為廷尉

周舉

太原舊俗以介子推焚骸有龍忌之禁每至冬中咸言神靈不樂舉火士民輒一月寒食老幼不堪歲多死者舉為并州刺史乃作書吊子推言盛冬去火殘傷民命非賢者意于以宣示愚民民遂溫食舊俗頓革

良賀

陽嘉中詔舉武猛時推薦者紛然而黃門丞良賀獨無所薦帝問其故賀對曰臣生自草茅長于宮掖既無知人之明又未嘗交加士類片衛鞅因景監以見有識知

其不終恐得臣舉者匪榮伊辱故不敢也時宦寺勢傾中外惟賀清恬退厚遂爲空谷足音

曹娥

孝女曹娥上虞人也其父爲巫祝漢安二年五月五日于江中溯濤迎婆娑神溺死不得尸娥時年十四沿江號哭晝夜不絕聲旬有七日遂投江死未幾抱父尸浮江上縣長度尚奇之葬之江南道旁其弟子邯鄲淳爲之碑蔡邕過而讀之題曰黃絹幼婦外孫壘白

李燮

李固旣忤梁冀被誅幼子燮年才十三固女文姬時爲同郡趙伯英妻賢而有智知父遭慘默然獨悲曰李氏滅矣俄二兄被逮姬疾擣燮告父門生王成曰君執誼先公有古人之節今委君以六尺孤李氏存滅惟君矣成卽將燮東下入徐州界令變姓名爲酒家傭而成賣卜于市陽名異業陰相往來酒家意其非庸人以女妻燮後梁冀誅詔赦忠臣後燮乃以本末告酒家還鄉時姊弟相見悲感傷人未幾王成卒燮治喪墓追思舊恩每四節爲祠以上賓之禮

梁冀

冀字伯車，冀有羽目，同睛，儼吟口吟舌言，性嗜酒，能挽
滿彈，基格五六博，嚙意錢，諸戲又好，臂鷹走狗，騁馬
關雞，妻孫壽，色美而生鉗忌，能制馭冀，冀甚憚之，冀愛
監奴秦官，官太倉令，得出入壽府，壽見官輒屏，御者記
與言事，因私焉，官兼內外寵，威權震赫，刺史二千石無
不趨謁者，扶風人孫奮富而悍，冀故遺之馬，乘從貨
錢五十萬，奮以三十萬與之，冀大怒，告之郡縣，認奮母
為壽，守藏婢云盜白珠十斛，紫金千斤，遂收拷奮，奮兄
弟俱死獄，悉沒其貲，至億七千餘萬，是時四方貢獻者
必先輸冀，次進乘輿，冀大起第舍，而壽亦對街為宅，俱
殫極土木，相誇耀，冀一門前后七侯，三皇后，六貴人，
二大將軍，夫人女食邑稱君者七人，尚公主三人，其餘
卿將尹校五十七人，在位二十餘年，威行天下，百僚側
目其敗也，帝獨與單超等五人謀之，急發虎賁羽林士
三千人圍其第，冀夫婦即日自殺，宗戚無少長皆棄市，
當是時，事從中發，冀知其故，使者星馳電燄，公卿失其
常度，官府市里若鼎沸然，數日乃定。

五行

元嘉中京都婦女作愁眉啼粧墮馬髻折腰步嚙齒笑愁眉者細而曲折啼粧薄拭目下若啼處也墮馬髻作一邊折腰步足不在體下嚙齒笑若齒痛樂不欣欣也始自梁冀家京都翕然四方皆效之此服妖也熹平中省內狗冠帶綬以爲笑樂有一狗突出走入司徒府門見者莫不驚怕蓋司徒古之丞相宰相非人在位者皆如狗故走入其門

馬融

融才高博洽學徒從之遊者千數涿郡盧植北海鄭元皆其門下士善鼓琴好吹笛達生任性不拘儒者之節居服侈飾嘗坐高堂施絳紗帳前授生徒後列女樂弟子以次相傳鮮有人其室者

朱穆

穆嘗爲冀州刺史冀部令長解巾綬去者四十許人時宦寺驕橫中侍趙忠喪父歸墓俗爲殯與士伍偶人穆聞下郡案驗至發墓剖棺陳尸出之帝聞大怒徵穆詣廷尉太學生劉陶等數十人上書訟寃謂穆張理天網

補綴漏目同勤禹禋而破共解之罰是使唐帝怒于崇
山重華念于蒼墓也帝得書赦之

鄭元

元家貧耕東萊學徒從者百千黨事起遂杜門不出孔
融深敬之屣屣造門告高密令爲元特立一鄉曰昔齊
置士鄉越有君子軍昔人又稱太史公廷尉吳公謁者
僕射鄧公又尚山四皓有東園公夏黃公然則公者仁
德之正號不必三事大夫也其以鄭君鄉爲鄭公鄉又
令廣門衢使可容高蓋號通德門時黃巾賊數萬皆相
約不許入其境

蔡邕

邕字伯喈性篤孝母有滯病邕侍左右不解襪帶三年
不寢寐者十旬母卒廬墓側至野兔馴擾其旁又木生
連理遠近奇之熹平中邕爲中郎校書東觀時六經多
訛謬邕奉詔刊定仍自書之碑刻石太學門外邕嘗
得罪王智智中常侍王甫弟也亡命江海積十三年在
吳吳人有燒桐以爨者邕聞火烈聲知其木良請裁爲
琴果有美音而尾焦時人名曰焦尾琴又嘗告吳人曰

吾昔經會稽高遷亭見屋椽竹東間第十六可以爲笛
取用果有異音其在陳留有隣人以酒食召此往而主
已酣客有彈琴于屏者邕及門潛聽之曰嘻以樂召我
而有殺心何也遂反主人覺遽自追問故邕只以告衆
恠之驛琴者曰我向鼓絃見螳螂方向鳴蟬蟬將去而
未飛螳螂爲之一前一卻吾心聳然雖恐螳螂之失之
也斯其爲殺心乎邕莞爾笑曰此足當之矣董卓慕
邕名常辟之邕稱疾不往卓大怒曰吾能族邕不得已
應之卓甚重邕三日間周歷三臺邕于卓多所規諷卓
好自用而于邕頗委聽未幾卓誅邕在王允坐殊不意
言之而嘆允輒勃然作色并收邕付廷尉士大夫力爭
不能得邕遂死獄

唐姬

董卓之廢少帝爲弘農王也置王閣上使郎中令李儒
進酖曰服此可以辟惡王曰吾無疾是欲殺我耳不肯
飲儒強之王不得已乃與唐姬飲爲別酒行王悲歌曰
天道易分我何艱秦萬乘兮退守藩道臣見迫兮命不
延進將去女兮適幽元因令姬起舞姬抗袖而歌曰皇

天崩兮后土頽兮帝分命天權死生路異兮從此乖
奈我哭獨兮中心哀因泣下鳴咽侍者皆獻歎王謂
曰卿王者妃勢不復辱吏民幸自愛從此長辭遂飲藥
死姬歸其父家獻帝為迎置園中拜弘農王妃

蓋勳

勳為漢陽長史時武威太守倚權恣橫從事蘇正和案
致其罪刺史梁鵠謀欲殺正和訪之勳勳素與正和有
讐或勸勳可因此報勳曰乘人之危非仁乃諫鵠寢其
事正和喜得免諸勳謝勳不與見謂曰吾特為梁使君
謀不為蘇正和也怨之如初董卓威權震世公卿莫
敢抗禮勳獨長揖之嘗與卓書曰伊霍權以立功猶為
口實足下小醜如何終此賀者在門吊者在廬可不慎
哉卓甚恨之卓嘗與朱雋論兵事卓折雋曰我百戰百
勝決之于心卿勿妄說且汚我刀勳直前曰武丁之明
猶求箴諫况如卿者而欲杜人之口卓笑曰戲之耳勳
曰不聞怒言可以為戲卓改容謝

董卓

卓為呂布所殺陳尸于市天時始熱卓素充肥脂流地

守尸吏然人置卓躋中光明達曙後李儼郭汜收葬卓
墓口暴風雨迅霆震烈流水入藏漂其棺納之復出如
是者三四

孔融

融字文舉爲北海太守好獎掖后進賓客日盈其門每
嘆曰坐上客常滿尊中酒不空吾無恨矣素與蔡邕善
邕卒有虎賁士貌類邕酒酣輒引與同坐曰雖無老成
人尚有典刑後與曹操忤在狀奏融詔棄市

呂布

曹操自將擊布于下邳陳宮謂布曰曹公遠來勢不能
久將軍善戰以步騎出屯于外而宮將餘衆堅守于內
操向將軍宮引兵攻其背若但攻城則將軍救于外不
過旬月操軍食盡擊之可破也布然之而惑于妾言不
果用尋見執操謂宮曰公臺平日自謂知有餘今竟
何如宮指布曰是子不用吾言以至此吾言用未可量
也操曰奈卿老母何宮曰老母在公不在宮也夫以孝
理天下者不絕人之親操又曰奈妻子何宮曰霸王之
王不絕人之祀固請就刑徑出不顧操涕泣而斬之

初操之擊布也決沂泗水以灌其城而援絕與麾下登
白門樓兵圍之急令左右取其首詣操左右不忿布乃
降布見操曰今日已得天下定矣操曰何哉布曰明公
所患不過于布今布服矣令布將騎明公將步天下不
足定也時劉備在坐而顧謂曰元德卿為坐上客我為
冑虜繩縛我急獨不可一言耶操笑曰縛虎不得笑
乃命緩布備曰不可明公不見布之于丁建陽董太師
乎操顧之布目備曰大耳兒最叵信猶記轅門射戟時
否遂被殺

左慈

慈嘗在曹操坐當宴客操曰今日珍羞畧備獨少松江
鱸耳慈曰可得因求銅盤貯水以羊餌斂盤中須臾引
一鱸出一坐皆驚操大笑曰一魚不能周坐客可更得
乎乃更沈餌連引出皆長三尺許操又謂曰喜得魚恨
無蜀中生薑慈曰易致也操恐其近取即曰吾前遣人
到蜀買錦便勅使者增市二端少頃得薑并獲操使報
命及操使蜀反驍問增錦之狀其時日早晚若符契也
後杆操欲欲收殺之慈乃卻入壁中霍然不知所在有

見于市者捕之市人皆變形與慈同英知誰是

禍衡

衡以高才傲世建安初來遊許不始達潁川陰懷一刺
至刺字潯城卒無所之孔融薦于曹操操欲見之而衡
小鄙操震稱狂病不肯往操懷忿以其才名不欲殺之
聞衡善擊鼓故名爲鼓吏因大會客閱試音節諸史過
者皆令脫故衣更著岑牟單絞之服次至衡衡乃爲漁
陽參攪蹠躍而前容態特異聲節悲壯直進操前而止
吏謂之曰鼓吏何不改装衡曰諾于是先解袒衣次釋
餘服裸身而立徐取岑牟單絞著之畢復參攪而去顏
色不怍操笑曰本欲辱衡反辱我遂送衡于劉表表
不能容送之黃祖祖竟殺之

蔡文姬

文姬名琰邕女博學有才辨尤精音律興平中天下喪
亂爲胡騎所獲曹操故與邕善痛其無嗣持遣使以金
璧贖歸作悲憤詩二章詞情悽惋至今傳誦姬先適陳
留董祀沒于南匈奴左賢王居十二年生二子操贖歸
仍嫁祀

史漢外國

何奴

單于頭曼有太子名冒頓。後所愛閼氏生少子，因欲易太子。冒頓乃作為鳴鏑，習勒騎射，令曰：「鳴鏑所射而不悉謝者，斬行獵鳥獸，有不射鳴鏑所射者，斬。」已而冒頓以鳴鏑自射其善馬，左右或不敢立，斬之。頃之，復以鳴鏑自謝其愛妻，左右或頗恐，亦復立，斬之。於是冒頓知左右皆可用，乃從其父頭曼獵，以鳴鏑射頭曼。左右亦隨射，遂殺頭曼而自立。惟是時東胡強，聞冒頓殺父自立，乃使使謂冒頓：「欲得頭曼時千里馬。」冒頓問左右：「左右皆曰：『匈奴寶馬，勿與。』」冒頓曰：「奈何？」與人隣國而愛一馬，遂與之。東胡以冒頓畏已，頃之，使使謂冒頓：「欲得單于一闐氏。」冒頓復問左右：「左右怒，請兵之。」冒頓曰：「奈何？」人隣國而愛一女子乎？取所愛閼氏與之。東胡王益驕，時匈奴與胡間中有桑地，千餘里，莫居，名爲「鴈腹」。東胡乃使使謂曰：「鴈腹外棄地，匈奴非能至也。吾欲有之。」冒頓以問左右：「左右或言：『予。』或言：『不予。』」於是冒頓大怒曰：

地者國之本也奈何言予引諸言予者盡斬之遂上馬
令國中曰后者斬遂襲擊東胡東胡不爲備尋破滅
文帝時冒頓死子稽粥立號老上單于帝時遣宗室公
王爲單于闕氏而使宦者中行說傳公主說本不欲行
強之行說曰必我行也爲漢患者說旣至遂降單于單
于委任之初單于好漢繒絮食物中行說曰匈奴人衆
不能當漢一郡所以強者徒以衣食異物無仰于漢也
今單于變俗好漢物漢物不過什二則匈奴盡歸于漢
矣于是得漢繒絮以馳草棘中衣袴皆裂敝以示不如
旃裘之完善也得漢食物皆去之以示不如湮酪之便
美也又教其左右疏記以課其人衆畜物漢遺單于書
牘以尺一寸詞曰皇帝敬問大單于無恙說令單于遺
漢書以尺二寸牘詞曰天地所生日月所置匈奴大單
于敬問漢皇帝無恙蓋終文帝世多虜患皆說教之也

西南夷

南夷君長以十數夜郎最大其西徼莫之屬以十數滇
最大自滇以北君長以十數邛都最大此皆懸結其外
西自桐師以東北至樸榆各爲耑昆明皆編髮自備以

東北君長以十數往徭都最大白徭以東北君長以十數
數并號最大在蜀之西自冉驪以東北君長以十數白
馬最大皆氏類也

大宛

張騫之使月氏也道經匈奴匈奴單于留之凡十餘歲
與妻有子然騫能持漢節不失後與其屬亡西走數十
日至大宛遂因大宛傳致康居因康居至大月氏又因
月氏至大夏初匈奴破月氏斬其王頭爲飲器漢以月
氏仇匈奴故遣使結好與其擊匈奴而月氏頗無意報
仇騫以是留歲餘不得其要領尋歸復爲匈奴所得會
匈奴國內亂騫乃與胡妻俱亡歸始騫行從者百餘人
去十三歲而歸存止二人耳大宛左右以蒲萄爲酒
富人藏酒至萬餘石久者數十歲不敗俗嗜酒馬嗜苜
蓿漢使取其實來于是天子始種苜蓿蒲萄肥饒地離
宮觀頗極望焉多善馬馬汗血言其先天馬子也貴
女子女子所言丈夫乃決正其地皆絲漆不知鑄鐵器
漢亡卒教鑄焉得漢黃白金輒用爲器不爲幣安息
在大月氏西地方數千里小大數百城商賈用車船頗

類中國其所以銀為錢錢如其王面王死輒更錢如新王面以上史記

龜茲

龜茲王與夫人來朝留一年樂漢衣服制度歸國大治宮室作道周衛出入傳呼撞鐘鼓一如漢儀外國胡人曰驢非驢馬非馬若龜茲王所謂驢也前漢書

西域

按西域內屬諸國東西六千餘里南北千餘里東極王門陽關西至蔥嶺其東北與匈奴烏孫接南北有大山中央有河其南山東出金城與漢南山屬焉河有兩源一出蔥嶺東流一出于闐南山下北流與蔥嶺河合東注蒲昌海海一名鹽澤去玉門三百餘里自燉煌西出玉門陽關涉鄯善北通伊吾千餘里此西域之門戶也漢戍山校尉屯其地以下後漢書

夫餘

夫餘國在元菟北千里北有弱水其城最平徹員柵為城以六畜紀官官有牛加馬加狗加諸強飲食川俎豆亦知揖讓行人無晝夜歌吟不絕其王薤馬玉匣漢嘗

預以王匡付元菟郡王死則迎取去土出名馬赤玉

挹婁

挹婁古肅慎國在扶餘東北千餘里土出赤玉名貂有
邑落無君長各有大人處于山林之間民人穴居以深
為貴大家至接九梯冬以豕膏塗體厚數分以禦寒夏
則袒裸以尺布蔽前後其人頗不好潔善射弓長四尺
矢用楛長一尺八寸青石為簇中人即死漢興後屬夫
餘

高句驪

高句驪在遼東之東夫餘之南朝鮮之北其言語法則
畧與夫餘同而跪拜曳一脚其人潔淨自喜而俗淫暮
夜輒男女羣聚為倡樂其公會衣服皆錦絹金銀以自
飾其婚姻皆就婦家生子長大然後將還便營送終之
具又別有句驪國

東沃沮

東沃沮在句驪東東濱大海其俗葬法用大木槨長
十餘丈開一頭為戶人新死先塋之於所候皮肉盡乃

取骨置椰中家人皆共一椰刻木如王隨死者之數其
耆老言嘗于海中得一布衣衣形不過中人而袖長三
丈又于岸際見一人乘波頂中復有面又云海中有
女國國中無男人有神井女子闕之輒生子

滅

濊國在高句驪沃沮南辰韓北東窮大海西至樂浪本
皆朝鮮地武王封箕子于朝鮮箕子教以禮義田蠶又
制八條之教其人終不相盜門戶不閉婦人貞信飲食
以俎豆其後四十餘世至朝鮮侯準始自稱王漢初大
亂燕趙人亡其口逃難入其地燕人衛滿乃擊破準而
自王朝鮮元朔元年濊君南閭始內屬其俗人死輒棄
舊宅更造新居土錦布多文豹有果下馬海出班魚

三韓

三韓一曰馬韓二曰辰韓三曰弁辰馬韓在樂浪南倭
化有子十四國辰韓在其東有十二國與滅接弁辰在
辰韓之南亦十有二國南亦與倭接凡七十八國伯濟
國其一也馬韓最大土出大栗如梨有長尾雞尾長五
尺以土作室形如塚開戶在上不知跪拜不貴金玉錦

綺不知騎乘牛馬。惟重嬰珠以綴衣。及懸之頸。垂之耳。其壯勇有力者。輒以纆貫脊皮。縱以大木。嚙呼爲健。辰韓。或名秦韓。耆老言其先爲秦之亡人。避苦役者居此。各國爲刀弓爲弧。賊爲寇。行酒爲行觴。相呼爲徒。有似秦語。故各國以鐵爲貨。兒初生。欲其頭扁。皆押之以石。弁辰俗與韓辰同。以近倭。故多文身者。

倭

倭在三韓東南大海中。凡百餘國。自武帝滅朝鮮。通于漢者三十許國。國皆稱王。其大倭王居邪馬臺。國去樂浪萬二千里。大約在會稽海東。與珠崖儋耳近。土出白珠青玉。山有丹土。無牛馬羊鵠。無虎豹。矢以骨爲簇。男子黥面文身。以其文左右大小。別尊卑之次。其男衣皆橫幅。結束相連。女人披髮屈紉。衣如單被。貫頭而著之。竝丹朱粉身。如中國之用粉也。飲食以手。皆徒跣。以蹲踞爲恭敬。人性嗜酒。多壽。壽百歲餘者甚衆。國多女子。大人皆有四五妻。其餘亦不減二三。女不淫不妬。渡海則推一人。名曰持衰。令不櫛沐。不食肉。不近婦人。行吉則資金帛。遭患卽殺之。建武中。遣使朝貢。使人自稱大

夫桓靈間倭國大亂歷年無主有一女子名卑彌呼年長不嫁能以妖術惑衆遂立爲王侍婢千人少有見者唯一男子給飲食傳教令自女王國南四千里有侏儻國使人長三四尺自侏儻東南行一年至裸國黑齒國驛使所傳極于此

南蠻

南蠻卽今長沙武陵蠻也其君長有印綬冠獼皮冠名渠帥曰精夫相呼爲婁徒其俗男女同川而浴其西則有叡人國生首于輒解而食之以爲宜弟味旨則以遺其君君喜而賞其父娶妻美則以讓其兄大約秦所置南海桂林象郡漢之南粵九真皆其地

板楯蠻

板楯蠻者南蠻中一種秦昭襄王時有一白虎嘗從羣虎數遊秦蜀巴漢之境傷殺于餘人昭王募能殺虎者邑萬家金百鎰時有巴郡閬中夷人能作白竹之弩爲登樓射殺白虎昭王嘉之而以其夷人不欲加封乃刻石盟要頃田不租十女不嫁盟曰秦犯夷輸黃龍一雌夷犯秦輸清酒一鍾

其賦後閭中有淪。其人多居水左右，喜歌舞。高祖嘗觀之，曰：「此武王伐紂之歌也。」命樂人習之，是為巴渝舞。

夜郎

夜郎有女子，浣于水，有三節大竹，流入足間，中有號聲，剖之，得一男兒，養之，長有武才，自立為夜郎侯。以竹為姓。元鼎六年，牂牁郡夜郎侯迎降，天子賜印綬，尋見殺。夷獠咸以竹王非血氣所生，甚神之，求為立後。太守以聞，天子乃封其三子為侯，死配食其父。今夜郎縣有竹王三郎神祠也。其地最貧，有桃根木，可以為麴，百姓資之。桓帝時，郡人尹珍者，自以荒裔，不知學問，入從汝南許慎，應奉受經書圖緯，學成還鄉教授。于是南域始有學。

滇

滇王者，莊蹻後也。元封二年，武帝平其地，為益州郡。後數年，復并昆明地，悉以屬之。郡有池，周圍二百餘里，水源深廣，而末更淺狹，有似倒流，故謂之滇池。土平敞，多出鸚鵡、孔雀，有魚鹽金銀畜產之富，俗尚豪俠，官其地者皆富。及累世，肅宗時有神馬四匹出滇池。

哀牢

哀牢國建武中其王賢栗遣兵乘薄船南下江漢擊鹿
藁鹿藁弱為所獲天忽震雷飄風狂雨水為逆流翻涌
二百餘里薄船皆沒哀牢之眾溺死無數賢栗怒復遣
其六王將萬人合攻鹿藁與戰盡殺其六王哀牢人理
六王虎復出其尸食之于是眾驚懼引去賢栗惶恐謂
其國人曰吾曹入邊塞自古有之今攻鹿藁而被天誅
中國其有聖主乎遂求內附光武封之土沃美其產有
罽毼帛疊蘭子細布織成文章如綾錦又有梧桐莖織
以為布幅廣五尺純白不受垢其竹節相去一丈名曰
濮竹又有光珠琥珀水精琉璃車蟲蚌珠孔雀翡翠猩
猩之屬雲南縣又有神鹿二能食毒草

邛都

邛都夷武帝所開置邛都縣本幾而地忽陷為汗澤因
名邛池南人以為邛河又改名越嵩郡相傳其國有禺
同山山有碧鷄金馬光景時時出見又有祚都夷亦武
帝所開其俗言語多好譬喻土出長年神藥仙人山圖
居焉山圖仙人名

冉隴

冉隴夷亦武帝所開土氣多寒盛夏冰猶不釋夷人冬則避寒入蜀爲傭夏則反其邑累石爲室高者至十餘丈有旄牛無角一名童牛肉重千斤毛可爲氍毹川名馬靈羊又有食藥鹿鹿麕有胎者其腸中糞可療毒又有五角羊麝香輕毛玃鷄猩猩又其地有鹽土煮土爲鹽磨羊牛馬食之皆肥

西羌

西羌出自三苗姜姓之後羌有無弋爰劍者秦厲公時曾執爲奴隸後亡歸秦人追之急藏巖穴中秦人焚之有景象如虎者爲之蔽火得免諸羌見爰劍被焚不死惟以爲神遂共推爲豪羌人謂奴爲無弋以爰劍嘗爲奴隸故名之無弋爰劍之曾孫三忍舞忍生九子分九種舞生十七子分十七種羌之盛自此始其後先零枹罕燒當令居三姐之類皆是子孫至百五十種

西夜

西夜國地生白草國人煎以爲藥傳箭簇中之卽死漢書誤云西夜子合國考子合別有王非一國也又有條

西藥云西藥子合因等午合因王非一因也又西藥
西藥因此坐白草國人煎以藥劑前藥中之西藥

西藥

早熱當令試三服之勝計長午終至百五十計

早熱坐十子子衣十子計其之坐白此其坐客計

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

早熱姑各之無少受驗之會經二服其坐午衣小

西藥

其地雖遠而風氣和順...
不親臨而更立...
至宮省聖其王無常...
而歸常動一人...
猶里中...
大秦國...
大秦

永元十三年王對對...
大息

人必資三歲...
東界...
大息

...
交國...
大息

支國城在山上。周回四十里。臨西海。海水三面。曲環路絕。惟西北隅通陸道。上出獅子。犀牛。封牛。孔雀。大雀。大雀卵如甕。

安息

安息國去洛陽二萬五千里。中小城數百。最爲殷盛。其東界又有小安息。和帝時。班超嘗遣甘英使大秦。抵條支。臨大海欲度。而安息西界船人謂英曰。海水廣大。往來者逢善風。三月可得度。若風不利。有至二歲者。人海人必賣三歲糧。海中善使人思鄉土。生戀慕。英聞之止。永元十三年。王使使獻獅子及條支大鳥。

大秦

大秦國地方數千里。中有四百餘城。王所居城周圍百餘里。中有五宮。相去各十里。其王日遊一宮。聽政五日。而徧常使一人持囊隨王車。有言事者。以書投囊中。王至宮省理。其王無常人。必簡立賢者。國有災異或風雨不時。輒廢而更立。廢者不怨其民。頗類中國。故稱大秦。宮室以小精爲柱。食器亦然。上多金銀。有夜光璧。明月珠。駝雞犀。珊瑚。琥珀。琉璃。貝。牙。朱丹。青瑩。黃金。塗。火浣。

布又有細布或言水羊毳野蠶繭所作也合諸香煎其汁以爲蘇合金銀爲錢銀錢十常金錢一其王嘗欲通使于漢而安息欲專漢利遮之不得達延熹九年王遣使道日南徼外始一通焉然所貢無甚珍異疑傳者或過云或言其國西有弱水流沙近西王母所居處幾于日所入也從安息繞海北出海西至大秦人庶連屬十里一亭三十里一置無盜賊而多猛虎獅子行旅非百餘人資兵器不得過又言有飛橋數百里可渡語多不經

天竺

天竺國一名身毒在月氏東南數千里有別城數百城置長別國數百國置王然皆以身毒爲名土出象犀瑇瑁細布氍毹諸香及石蜜椒薑黑鹽等物明帝嘗夢金人長項有光明以問羣臣羣臣以爲佛形長丈六尺而黃金色帝于是遣使問佛法圖其像入中國中國自是稍稍有奉其道者又有栗弋國國多蒲萄水土美故蒲萄酒特有名

何奴

人

船人黃興器不昏強又言計紙律建百里何或語委不
 里一亭三十里一置無盜規而參銀泉嶺千言刻壯百
 日和人遊到安息縣就北出城門往入蔡人惠靈樹十
 張元真育其國所亦歸水戴又政商工以浪語與新子
 對置日山路於沙一區烈然烈貨無甚之異與常者如
 亦十真而安息於事與師應之不昏強無意此千江道
 皆以銀寶金金匙急送赴數十當金銀一其王若九極
 亦天齊縣市更言水羊昇聖楚蘭也市出合南香具

單于弟知邪斯王昭君子也。昭君字嬀南郡人。元帝時以良家子選入掖庭。昭君既入宮，累歲不得見御，積悲怨。會呼韓邪單于來朝，帝勅以宮女五人賜之。昭君請之掖庭令，求行。臨辭，五人陛見，昭君豐容靚飾，光明漢宮，顧影徘徊，竦動左右。帝大驚，意欲留之，而重失信，遂與匈奴生二子。及呼韓邪死，其前閼氏子嗣位，欲妻之。昭君上書求歸，成帝勅令從胡俗，遂復爲後單于閼氏。

烏桓

烏桓本東胡也。漢初冒頓滅其國，餘種逃匿保烏桓山，因以爲號。居無常，以窮廬爲舍，門東開向日，其人貴少而賤老。怒則殺父兄而終不害其母，推一人爲大人。大人有所召呼，則刻木爲信，無文字。其嫁娶則先略女，通情或半歲或百日，然後送牛馬羊畜爲聘。婿隨妻還家，于妻家無尊卑，且拜之而不拜其父母。爲妻家僕役一二年，妻家乃厚遣送女。其俗妻後母，報寡嫂，計謀一聽婦人。惟戰鬪事乃自決。父子男女相對，踞以髡頭，爲輕侮。女子至嫁，乃養髮，其上宜髻，及束臂，束袴似遠。事貴如稂子，至十月而熟，見烏獸孕乳以別。四時人死。

則歌舞送塋先肥養一大以絛繩牽之使護死者神靈
歸赤山

解卑

解卑亦東胡之支也別依解卑山遂以爲號俗與烏桓
同惟婚姻則先髡頭以季春月大會于饒樂水上飲讌
果然後配合土有野馬原余角端牛又有貂貉驢子皮
毛柔輭天下以爲名裘漢初亦爲冒頓所破其後種類
漸繁遂爲中國患桓帝時有檀石槐者其父投鹿侯初
從匈奴軍三年其妻在家生子投鹿侯歸懼欲殺之妻
言嘗晝行雷震仰天視雹入其口因吞之遂娶十月而
產此子當有奇異疾不聽棄之妻私收養焉名檀石槐
年十四五勇而有智所向無前諸部落多畏服之因南
掠緣邊北拒丁零東卻夫餘西擊烏孫盡據匈奴故地
東西萬四千餘里延熹熹平中屢入寇緣邊無不被其
毒梟嘗出行見鳥集秦水廣數百里水停不流其中有
魚不能得之聞倭人善網捕因東擊倭徙倭千餘家置
秦水上捕魚以給糧食

以介...

水...

不...

...

...

...

...

...

...

...

...

...

...

...

...

...

輒早

山

...

